


**RESPONSORII PRO UNISQUIBUSQUE  
SALUTATIONE ANGELICA IN  
RECITATIONE ROSARII MARIALIS**



**EX VARIIS LIBRIS LITURGICIS DESUMPTI**

**DISPOSITUM PER HEBDOMADAM**

**AD MENTEM EPISTULÆ APOSTOLICÆ  
« ROSARIUM BEATÆ MARIÆ VIRGINIS »**

**A S. JOANNE PAULO PP. II  
EPISCOPIS, CLERO FIDELIBUSQUE DATA**



## FERIA II





**PRIMUM MYSTERIUM GAUDIOSUM**  
**ANNUNTIATIO BEATÆ MARİÆ VIRGINIS**



**1. ☩ Summæ Trinitāti, simplici Deo, una divinitas, æquālis glória, coætérna majéstas, Patri, Prolíque, Sanctóque Flámini: \* Qui totum subdit suis orbem légibus.**

**☩. Præstet nobis grátiam Trinus Deus**

et Unus, cui ab ætérno, O Maríá, summe placuísti. \* Qui totum subdit suis orbem légibus.

℞ i., Dominica ad Matutinum, Brev. O. SS. Salv.

**2. ℞** Elégit Maríam Deus, et præelégit eam, et creávit eam in Spíritu Sancto: \* Ideo nihil inquinátum in eam incúrrit.

℣. Dedit Maríæ Dóminus protectiónem salútis suæ, et dèxtera sua suscepit eam. \* Ideo nihil inquinátum in eam incúrrit.

℞ ix., In Conceptione Immaculata B. M. V., Brev. O. Præd.

**3. ℞** Eva Mater hosti conséntiens, se ipsam cum viro eliminávit a glória, vitam cómmutans in mortem; cujus felix filia Deo obédiens hostem supplantávit, glóriam restituit, mortem fugávit: \* Et vitam reportávit.

℣. Laus Deo sit et glória, qui frágili Matri talem provídít filiam, quæ et sui Genitóris est effécta Génitrix. \* Et vitam reportávit.

℞ i., Feria III ad Matutinum, Brev. O. SS. Salv.

**4. ℞** Intélligens Abraham successiónem suam stellárum número coæquári, de te tuóque Fílio, O Invéntrix grátiae: \* Magis lætátus est quam de cæteris suæ propáginis filiábus et filiis.

℣. Exúltet ígitur et summe júbilet cóncio nostra de te tuáque benedícta Prole, sicut et Pater Abraham. \* Magis lætátus est quam de cæteris suæ propáginis filiábus et filiis.

℞ ii., Feria III ad Matutinum, Brev. O. SS. Salv.

**5. ℞** Missus est Gábriel Angelus ad Maríam Vírginem desponsátam Joseph,

núntians ei verbum; et expavéscit Virgo de lúmine: ne tíneas, María, invenísti grátiam apud Dóminum: \* Ecce concípies et páries, et vocábitur Altíssimi Fílius.

℣. Dabit ei Dóminus Deus sedem David, patris ejus, et regnábit in domo Jacob in ætérnum. \* Ecce concípies et páries, et vocábitur Altíssimi Fílius.

℞ i., In Annuntiatione B. M. V., Brev. Rom.

6. ℞. Ave, María, grátia plena; Dóminus tecum: \* Spíritus Sanctus supervéniet in te, et virtus Altíssimi obumbrábit tibi: quod enim ex te nascétur Sanctum, vocábitur Fílius Dei.

℣. Quómodo fiet istud, quóniam virum non cognósco? Et respóndens Angelus, dixit ei. \* Spíritus Sanctus supervéniet in te, et virtus Altíssimi obumbrábit tibi: quod enim ex te nascetur Sanctum, vocábitur Fílius Dei.

℞ ii., In Annuntiatione B. M. V., Brev. Rom.

7. ℞. Súscipe verbum, Virgo María, quod tibi a Dómino per Angelum transmissum est: concípies et páries Deum páriter et hóminem, \* Ut benedícta dicáris inter omnes mulíeres.

℣. Páries quidem fílium, et virginitátis non patiéris detriméntum: efficiéris grávida, et eris mater semper intácta. \* Ut benedícta dicáris inter omnes mulíeres.

℞ iii., In Annuntiatione B. M. V., Brev. Rom.

8. ℞. Omnia flúmina intrant in mare, et ipsum non redúndat: \* Omnia gratiá-

rum charísmata in Mariám, et ipsa non intuméscit.

✠. Dixit illi Angelus: Ave, grátia plena. Et ipsa respóndit: Ecce ancílla Dómini.

\* Omnia gratiárum charísmata in Mariám, et ipsa non intuméscit.

℟. viii., Ssmi Nominis Mariæ, Brev. O. Carm.

9. ✠. Confirmátum est cor Vírginis, in quo divína mystéria, Angelo nuntiánte, concépit: tunc speciósum forma præ filiis hóminum castis suscepit viscéribus: \* Et benedícta in ætérnum, Deum nobis prótlit et hóminem.

✠. Domus pudíci péctoris templum repénite fit Dei: intácta nésciens virum, verbo concépit Fílium. \* Et benedícta in ætérnum, Deum nobis prótulit et hóminem.

℟. v., In Circumcisione Domini et Oct. Nativitatis, Brev. Rom.

10. ✠. Angelus Dómini appáruit Joseph, dicens: Joseph fili David noli timére accípere Mariám cónjugem tuam: quod enim in ea natum est de Spíritu Sancto est: \* Páriet autem Fílium: et vocábis nomen ejus Jesum.

✠. Cum esset desponsáta Mater Jesu María Joseph, ántequam convenírent, invénta est in útero habens de Spíritu Sancto. \* Páriet autem Fílium: et vocábis nomen ejus Jesum.

℟. ix., S. Joseph Sponsi B. M. V., Brev. O. Præd.



**SECUNDUM MYSTERIUM GAUDIOSUM**  
**VISITATIO BEATÆ VIRGINIS MARIÆ AD**  
**SANCTAM ELISABETH**



**11. ✠ Ibo ad montem myrrhæ festi-**  
**nānter, et vidēbo verbum hoc, \* Quod**  
**factum est in áuribus meis ab Angelo**  
**salutānte.**

**✠ Viam mandatórum tuórum cucúrri,**

**juxta verbum tuum. \* Quod factum est in áuribus meis ab Angelo salutánte.**

℞ iii., In Visitatione B. M. V., Brev. Cist.

**12. ℞. Ecce iste venit sáliens in món-tibus, transíliens colles: \* Símilis est diléctus meus cápreæ hinnulóque cervórum.**

℣. **Exsultávit ut gigas ad curréndam viam, a summo cœlo egréssio ejus. \* Símilis est diléctus meus cápreæ hinnu-lóque cervórum.**

℞ iv., In Visitatione B. M. V., Brev. Rom.

**13. ℞. Speciósas filias cumulántes di-vítias, \* Thesáuro ventris grávidi transcéndit Mater Dómini.**

℣. **Exúlta, et lauda, habitátio Sion, quia magnus in médio tui Sanctus Israël. \* Thesáuro ventris, grávidi transcéndit Mater Dómini.**

℞ ix., In Visitatione B. M. V., Brev. Cist.

**14. ℞. Surge, própera, amíca mea, formósa mea, et veni: jam enim hiems tránsiit, imber ábiit et recéssit: \* Vox túrturis audíta est in terra nostra.**

℣. **Intrávit Mariá in domum Zachariæ et salutávit Elísabeth. \* Vox túrturis audíta est in terra nostra.**

℞ i., In Visitatione B. M. V., Brev. Rom.

**15. ℞. Cum audísset salutatiónem Mariæ Elísabeth, exclamávit voce magna, et dixit: \* Benedícta tu inter mulieres, et benedíctus fructus ventris tui.**

℣. **Proptérea unxit te Deus, Deus tuus, óleo lætitiæ præ consórtibus tuis. \* Benedícta tu inter mulieres, et benedíctus fructus ventris tui.**

℞ iii., Septem Gaudiorum B. M. V., Brev. Rom.-Seraph.

**16. ℞** Repléta est Spíritu Sancto Elísabeth et exclamávit: Benedícta tu inter mulíeres, et benedíctus fructus ventris tui: \* Et unde hoc mihi, ut véniat Mater Dómini mei ad me?

℣. Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. \* Et unde hoc mihi, ut véniat Mater Dómini mei ad me?

℞ iii., In Visitatione B. M. V., Brev. Rom.

**17. ℞** Beáta quæ credidísti, quóniam perficiéntur in te quæ dicta sunt tibi a Dómino. Et ait María: \* Magníficat ánima mea Dóminum.

℣. Veníte, et audíte, et narrábo quanta fecit Deus ánimæ meæ. \* Magníficat ánima mea Dóminum.

℞ vi., In Visitatione B. M. V., Brev. Rom.

**18. ℞** Magníficat ánima mea Dóminum, et exsultávit spíritus meus in Deo, Salutári meo: \* Quia respéxit humilitátem ancillæ suæ; ecce enim ex hoc beátam me dicent omnes generatiónes.

℣. Propter hoc lætátum est cor meum, et exsultávit lingua mea, ínsuper et caro mea requiéscet in spe. \* Quia respéxit humilitátem ancillæ suæ; ecce enim ex hoc beátam me dicent omnes generatiónes.

℞ i., Septem Gaudiorum B. M. V., Brev. Rom.-Seraph.

**19. ℞** Felíces matres, sed et nati felicióres: \* Et quæ gessére felícia facta fuére.

℣. Felix domus, felix família, quibus

**sunt visa tot mirabilia. \* Et quæ gessere felicia facta fuere.**


℞ vi., In Visitatione B. M. V., Brev. Cist.

**20. ✠ O præclara stella maris, Virgo Mater singulâris, quæ cognatam visitasti, Joannem illuminasti prole præclarissima: \* Te precâmur in hoc festo, sis solâmen omni mœsto, fuga mortem, confer sortem nobis in cœli pãtria.**

**✠. Ad te clamant omnes rei, larga datrix sanctæ spei, O fons indeficiens! \* Te precâmur in hoc festo, sis solâmen omni mœsto, fuga mortem, confer sortem nobis in cœli pãtria.**

℞ viii., In Visitatione B. M. V., Brev. Cist.

**TERTIUM MYSTERIUM GAUDIOSUM**  
**NATIVITAS SALVATORIS NOSTRI**



**21. ✠** Ante multum tempus prophe-  
tavit Ezéchiél: Vidi portam clausam;  
ecce Deus ante sǎcula ex ea procedé-  
bat pro salúte mundi: \* Et erat íterum  
clausa, démonstrans Vírginem, quia  
post partum permánsit virgo.

**℣. Porta quam vidísti, Dóminus solus transíbit per illam. \* Et erat íterum clausa, demónstrans Vírginem, quia post partum permánsit virgo.**

℞. ii., Feria IV infra Hebd. I Adventus, Brev. Rom.

**22. ℞. Virginitas regálem nobis hódie partum divína virtúte operáta est: qua sola puérpera ætérnæ puritátis glória fulget: \* Agnum Dei Christum mundi prótulit Redemptórem.**

**℣. Vere grátia plena es, et gloriósa pérmanes; quia ex te nobis natus est Christus, per quem facta sunt ómnia: \* Agnum Dei Christum mundi prótulit Redemptórem.**

℞. vii., In Nativitate Domini, Brev. Amb.

**23. ℞. Nésciens mater virgo virum, péperit sine dolóre: \* Salvatórem sæculórum, ipsum Regem Angelórum, sola Virgo lactábat úbere de cœlo pleno.**

**℣. Domus pudíci pectoris templum repente fit Dei: intácta nésciens virum, verbo concépit Fílium. \* Salvatórem sæculórum, ipsum Regem Angelórum, sola Virgo lactábat úbere de cœlo pleno.**

℞. viii., In Circumcisione Domini et Oct. Nativitatis, Brev. Rom.

**24. ℞. Beáta víscera Mariæ Vírginis, quæ portavérunt ætérni Patris Fílium, et beáta úbera quæ lactavérunt Christum Dóminum. \* Qui pro salúte mundi de Vírgine nasci dignátus est.**

**℣. Per te est nobis vita pérdita data, sancta Dei Génitrix, quæ de cœlo suscepisti prolem et mundo genuísti Salvatórem. \* Qui pro salúte mundi de Vír-**

**gine nasci dignátus est.**

℟ vii., B. M. V. sub titulo Salus Infirmorum, Off. pr. pro Clericis Regularibus Infirmorum Ministris, Brev. Rom.

**25. ℟. O Regem cœli, cui tália famulántur obséquia! Stábulo pónitur, qui cóntinet mundum: \* Jacet in præsépio, et in núbibus tonat.**

**℣. Qui cœlum terrámque regit in sæcula solus. \* Jacet in præsépio, et in núbibus tonat.**

℟ vii., In Circumcisione Domini et Oct. Nat., Brev. O. Præd.

**26. ℟. O magnum mystérium, et admirábile sacraméntum, ut animália vidérent Dóminum natum, \* Jacéntem in præsépio: beáta Virgo, cujus víscera meruérunt portáre Dóminum Christum.**

**℣. Dómine, audívi audítum tuum, et tímui: considerávi ópera tua, et expávi: in médio duórum animálium. \* Jacéntem in præsépio: beáta Virgo, cujus víscera meruérunt portáre Dóminum Christum.**

℟ v., In Nativitate Domini, Brev. O. Præm.

**27. ℟. Angelus ad pastóres ait: Annúntio vobis gáudium magnum, quod erit omni pópulo: quia natus est vobis Salvátor, \* Qui est Christus Dóminus in civitáte David.**

**℣. Inveniétis infántem pannis involútum, et pósitum in præsépio. \* Qui est Christus Dóminus in civitáte David.**

℟ vii., In Nativitate Domini, Brev. Mon.

**28. ℟. Quem vidístis, pastóres? Dícite, annuntiáte nobis, in terris quis aparuit? \* Natum vídimus in choro An-**

**gelórum, Salvátorem Dóminum.**

**℟.** Natus est nobis hódie Salvátor, qui est Christus Dóminus, in civitáte David. \* Natum vídimus in choro Angelórum, Salvátorem Dóminum.

℟. iv., In Nativitate Domini, Brev. O. Præm.

**29. ℟.** Hódie nobis cœlórum Rex de Vírgine nasci dignátus est, ut hóminem pérditum ad cœléstia regna revocáret: \* Gaudet exércitus Angelórum: quia salus ætérna humáno géneri appáruit.

**℟.** Glória in excélsis Deo, et in terra pax homínibus bonæ voluntátis. \* Gaudet exércitus Angelórum: quia salus ætérna humáno géneri appáruit.

℟. i., In Nativitate Domini, Brev. Rom.


**30. ℟.** Descéndit de cœlis Deus verus a Patre génitus, introívit in úterum Vírginis, nobis ut apparéret visíbilis, indútus carne humána protoparénte éditá. \* Et exívit per clausam portam Deus et homo, lux et vita, Córditor mundi.

**℟.** Unigénitum Dei Fílium, quem Pater misit in mundum, in útero sacro concépit Virgo beáta: \* Et exívit per clausam portam Deus et homo, lux et vita, Córditor mundi.

℟. iii., In Nativitate Domini, Brev. Cist.



**QUARTUM MYSTERIUM GAUDIOSUM**  
**OBLATIO CHRISTI IN TEMPLO**



**31. ☩ Adórna thálamum tuum Sion,**  
**et súscipe Regem Christum: \* Quem**  
**virgo concépit, virgo péperit, virgo post**  
**partum, quem génuít, adorávit.**

**☩ Indúere vestiméntis glóriæ tuæ cí-**  
**uitas Sancti: \* Quem virgo concépit,**

**virgo péperit, virgo post partum, quem génuít, adorávit.**

℞ i., In Purificatione B. M. V., Brev. Cist.

**32. ℞. Postquam impléti sunt dies purgatiónis Mariæ secúndum legem Móysi, tulérunt Jesum in Jerúsalem, ut sístèrent eum Dómino: \* Sicut scriptum est in lege Dómini: Quia omne masculínium adapériens vulvam, sanctum Dómino vocábitur.**

**℣. Obtulérunt pro eo Dómino par túrturum aut duos pullos columbárum. \* Sicut scriptum est in lege Dómini: Quia omne masculínium adapériens vulvam, sanctum Dómino vocábitur.**

℞ ii., In Purificatione B. M. V., Brev. Rom.

**33. ℞. Vidéte miráculum, Mater Dómini virgo concépit, viríle ignórans consórtium: \* Stat adornáta nóbili pínore María, et matrem se læta mirátur, quæ se novit in-táctam.**

**℣. Castæ paréntis víscera, cœléstis intrat grátia, venter puéllæ bájulat secréta, quæ non nóverat. \* Stat adornáta nóbili pínore María, et matrem se læta mirátur, quæ se novit intáctam.**

℞ vi., Purificatio B. M. V. et Præsentatio Domini in Templo, Brev. O. Præm.

**34. ℞. In cápite libri scriptum est de me, ut fáciam voluntátem tuam; Deus meus, vólui, et legem tuam in médio cordis mei. \* Parátum cor meum, Deus cordis mei, parátum cor meum.**

**℣. Vocáberis volúntas mea in corde tuo. \* Parátum cor meum, Deus cordis mei, parátum cor meum.**

℟ iv., Purissimi Cordis B. M. V., Proprium pro Congregatione Jesu et Mariæ, Brev. Rom.

**35. ℟. Símeon justus et timorátus expectábat redemptionem Israël: \* Et Spíritus Dei erat in eo.**

℣. Accípiens Símeon púerum in máni-bus, grátias agens benedíxit Dóminum.

**\* Et Spíritus Dei erat in eo.**

℟ vii., Purificatio B. M. V. et Præsentatio Domini in Templo, Brev. O. Præm.

**36. ℟. Respónsum accépit Símeon a Spíritu Sancto, non visúrum se mortem, nisi vidéret Christum Dómini: et benedíxit Deum, et dixit: \* Nunc dimít-tis servum tuum in pace, quia vidérunt óculi mei salutáre tuum, Dómine.**

℣. Cum ergo cognovísset, accépit eum in ulnas suas, et portábat eum, a quo portabátur, et dixit. \* Nunc dimíttis servum tuum in pace, quia vidérunt óc-uli mei salutáre tuum, Dómine.

℟ v., Purificatio B. M. V. et Præsentatio Domini in Templo, Brev. O. Præm.

**37. ℟. Suscípiens Jesum in ulnas suas Símeon, exclamávit, et dixit: \* Tu es vere lumen ad illuminatióem Génti-um, et glóriam plebis tuæ Israël.**

℣. Símeon in mánibus Infántem ac-cépit: sed majestátem intus agnóvit, et dixit. \* Tu es vere lumen ad illuminati-ónem Géntium, et glóriam plebis tuæ Israël.

℟ vii., In Purificatione B. M. V., Brev. O. Præd.

**38. ℟. Hódie María Virgo púerum Jes-um offert in templo, \* Quem Símeon justus accépit in bráchia, et Anna vídua Christum agnóvit advenísse in terris.**

**℣.** Magnum hæreditátis mystérium! Christus pro nobis homo factus, ingreditur in templum: \* Quem Símeon justus accépit in bráchia, et Anna vídua Christum agnóvit advenísse in terris.

℞ x., In Purificatione B. M. V., Brev. Cist.

**39. ℞.** Beáta es, Virgo María, et beatísimum cor tuum, thronus ómnium virtútum, templum sanctæ Trinitátis, fornax divíni amóris. \* Sola sine exémplo dilexísti Dóminum nostrum Jesum Christum ex toto corde tuo.

**℣.** Ipse Pater amat te, quia tu amásti Fílium ejus únicum. \* Sola sine exémplo dilexísti Dóminum nostrum Jesum Christum ex toto corde tuo.


℞ i., Purissimi Cordis B. M. V., Proprium pro Congregatione Jesu et Mariæ, Brev. Rom.

**40. ℞.** O María, digníssimum vehículum, per quod Rex glóriæ languéntes páuperes visitáre dignátus est: \* Per te quoque pretiósi lápides de valle nostra in montem Dómini ad reparatióem cœléstis Jerúsalem júgiter deferúntur.

**℣.** Infer ígitur córdibus nostris ejus veram dilectiódinem, qui per te ad nos venit. \* Per te quoque pretiósi lápides de valle nostra in montem Dómini ad reparatióem cœléstis Jerúsalem júgiter deferúntur.

℞ ii., Dominica ad Matutinum, Brev. O. SS. Salv.

**QUINTUM MYSTERIUM GAUDIOSUM**  
**INVENTIO PUERI JESU INTER DOCTORES**



**41. ✠ Ibant paréntes Jesu per omnes annos in Jerúsalem in die solémni Paschæ: \* Ut adimplérrent, quod præcéperat Dóminus in lege Móysis.**

**✠ Tribus vïcibus per annum apparébit omne masculínium tuum in cons-**

**péctu Dómini Dei tui in loco, quem elégerit. \* Ut adimplérent, quod præcéperat Dóminus in lege Móysis.**

℟ i., Inventionis Pueri Jesu in medio Doctorum, Officia propria pro aliquibus locis, Brev. Rom.

**42. ℞. Remánsit Puer Jesus in Jerúsalem, et non cognovérunt paréntes ejus: existimántes autem illum esse in comitátu, venérunt iter diéi. \* Et requirébant eum inter cognátos et notos.**

**℣. Surgam, et circuibo civitátem: per vicos et platéas quæram quem díligit ánima mea. \* Et requirébant eum inter cognátos et notos.**

℟ ii., Inventionis Pueri Jesu in medio Doctorum, Officia propria pro aliquibus locis, Brev. Rom.

**43. ℞. Non inveniéntes Jesum paréntes ejus, \* Regréssi sunt in Jerúsalem, requiréntes eum.**

**℣. Quo ábiit Diléctus tuus? Et quærémus eum tecum. \* Regréssi sunt in Jerúsalem, requiréntes eum.**

℟ iii., Inventionis Pueri Jesu in medio Doctorum, Officia propria pro aliquibus locis, Brev. Rom.

**44. ℞. Post tríduum invenérunt Jesum paréntes ejus, \* In templo sedéntem in médio Doctórum.**

**℣. Invéni quem díligit ánima mea, ténuí eum, nec dimíttam. \* In templo sedéntem in médio Doctórum.**

℟ iv., Inventionis Pueri Jesu in medio Doctorum, Officia propria pro aliquibus locis, Brev. Rom.

**45. ℞. Invenérunt Jesum in médio Doctórum, \* Audiéntem, et interrogántem eos.**

**℣. Auris áudiens beatificábat illum, et óculus videns testimónium reddébat e-**

**i. \* Audiéntem, et interrogántem eos.**

℞ v., Inventionis Pueri Jesu in medio Doctorum, Officia propria pro aliquibus locis, Brev. Rom.

**46. ℞. Stupébant omnes, qui audiébant eum, super prudéntia et respónsis ejus, \* Et vidéntes admiráti sunt.**

℣. Vox Dómini in virtúte; vox Dómini in magnificéntia. \* Et vidéntes admiráti sunt.

℞ vi., Inventionis Pueri Jesu in medio Doctorum, Officia propria pro aliquibus locis, Brev. Rom.

**47. ℞. Dixit ad Jesum Mater ejus: Fili, quid fecísti nobis sic? \* Ecce Pater tuus et ego doléntes quærebámus te.**

℣. Fili mi, lumen oculórum nostrórum, solátium vitæ nostræ. \* Ecce Pater tuus et ego doléntes quærebámus te.

℞ vii., Inventionis Pueri Jesu in medio Doctorum, Officia propria pro aliquibus locis, Brev. Rom.

**48. ℞. Quid est quod me quærebátis? dixit Jesus ad paréntes suos: \* Nesciebátis quia in his, quæ Patris mei sunt, opórtet me esse?**

℣. Servíte Dómino in veritáte, et inquirite ut faciátis, quæ plácita sunt illi. \* Nesciebátis quia in his, quæ Patris mei sunt, opórtet me esse?

℞ viii., Inventionis Pueri Jesu in medio Doctorum, Officia propria pro aliquibus locis, Brev. Rom.

**49. ℞. Thesáurus absconditus in agro, quem qui invénit, præ gáudio illíus univérſa quæ habet vendit, et agrum emit: \* Est Jesus Christus Mariæ Vírginis Fílius.**

℣. In Christo sunt omnes thesáuri sapiéntiæ et sciéntiæ absconditi: thesáurus proinde in agro: \* Est Jesus Chris-

**tus Mariæ Virginis Fílius.**

℞ vii., Inventionis Pueri Jesu in templo, Supplementum pro Sanctimonialibus Ordinis S. Benedicti Adorationis Perpetuæ SS. Sacramenti, Brev. Mon.

**50. ℞ Descéndit Jesus cum Paréntibus, et venit Názareth: et erat súbditus illis. Et Mater ejus conservábat ómnia verba hæc in corde suo. \* Et Jesus proficiébat sapiéntia, et ætáte, et grátia apud Deum, et hómines.**

**℣. Honóra patrem tuum, et matrem tuam: sic præcéperat Dóminus Deus in Lege Móysi, et ita in Fílio suo exémp- lum nobis præbuit. \* Et Jesus profici- ébat sapiéntia, et ætáte, et grátia apud Deum, et hómines.**

℞ ix., Santæ Familiæ Jesu, Mariæ, Joseph, Brev. O. Præd.



**FERIA III**





**PRIMUM MYSTERIUM DOLOROSUM**  
**ORATIO ET AGONIA CHRISTI IN HORTO**



**1. ✠ Turbátus est Jesus spírítu, et protestátus est, et dixit: Amen, amen, dico vobis, quia unus ex vobis tradet me. \* Ecce manus tradéntis me mecum est in mensa.**

**✠ Cum intinxisset panem, dedit Ju-**

**dæ Simónis Iscariótæ, et post buccellam introívit in eum Sátanas. \* Ecce manus tradéntis me mecum est in mensa.**

℞ iv., Reparationis Injuriarum Ss. Cordis Jesu, Off. pr, Congregationis Sacerdotum a S. Corde Jesu, Brev. Rom.

**2. ℞. Tristis est ánima mea usque ad mortem: sustinéte hic, et vigiláte mecum: nunc vidébitis turbam, quæ circúmdabit me: \* Vos fugam capiétis, et ego vadam immolári pro vobis.**

℣. Ecce appropínquat hora, et Fílius hóminis tradétur in manus peccatórum. \* Vos fugam capiétis, et ego vadam immolári pro vobis.

℞ ii., Feria V in Coena Domini, Brev. Rom.

**3. ℞. Senióres pópuli consílium fecérunt, ut Jesum dolo tenérent, et occíderent: \* Cum gládiis et fústibus exiérunt tamquam ad latrónem.**

℣. Cogitavérunt iniquitátem suam, et egrediebántur foras. \* Cum gládiis et fústibus exiérunt tamquam ad latrónem.

℞ vii., Feria V in Coena Domini, Brev. O. Carm.

**4. ℞. In monte Olivéti orávit ad Patrem: Pater, si fieri potest, tránseat a me calix iste. Spíritus quidem promptus est, caro autem infirma: \* Fiat volúntas tua.**

℣. Verúmtamen non sicut ego volo, sed sicut tu vis. \* Fiat volúntas tua.

℞ i., Feria V in Coena Domini, Brev. O. Præd.

**5. ℞. Una hora non potuístis vigiláre mecum, qui exhortabámini mori pro me? \* Vel Judam non vidétis, quómodo**

**non dormit, sed festinat trádere me Judæis?**

**℣. Quid dormítis? súrgite, et oráte, ne intrétis in tentatiónem. \* Vel Judam non vidétis, quómo do non dormit, sed festinat trádere me Judæis?**

℞ viii., Feria V in Coena Domini, Brev. Rom.

**6. ℞. Ecce turba, et qui vocabátur Judas venit, et dum appropinquáret ad Jesum, ut eum oscularétur, Jesus dixit ad eum: Juda, ósculo tradis Fílium hóminis, \* Ad crucifigéndum.**

**℣. Fílius quidem hóminis vadit, sicut scriptum est de illo: Væ autem hómini illi, per quem tradétur. \* Ad crucifigéndum.**

℞ vi., Feria V in Coena Domini, Brev. O. Præm.

**7. ℞. Amícus meus ósculi me trádedit signo: quem osculátus fúero, ipse est, tenéte eum; hoc malum fecit signum, qui per ósculum adimplévit homicídium. \* Infélix prætermísit prétium ságuinis, et in fine láqueo se suspéndit.**

**℣. Bonum erat ei, si natus non fuísset homo ille. \* Infélix prætermísit prétium ságuinis, et in fine láqueo se suspéndit.**

℞ iv., Feria V in Coena Domini, Brev. O. Præm.

**8. ℞. Judas mercátor pésimus ósculo pétiit Dóminum: ille ut agnus ínnocens non negávit Judæ ósculum: \* Denariórum número Christum Judæis trádedit.**

**℣. Avarítiæ inebriátus venéno, dum sitit lucrum, pervénit ad láquem. \* Denariórum número Christum Judæis trád-**

**idit.**

℞ iii., Feria III majoris Hebdomadae, Brev. O. Præm.

**9. ℞. O Juda, qui dereliquisti consilium pacis, et cum Judæis consiliatus es: triginta argenteis vendidisti Sanguinem justum: \* Et pacis osculum ferebas, quod in pectore non habebas.**

℣. Os tuum abundavit malitia, et lingua tua concinnabat dolos. \* Et pacis osculum ferebas, quod in pectore non habebas.


℞ ix., Feria V in Cœna Domini, Brev. O. Præm.

**10. ℞. Revelabunt cœli iniquitatem Judæ, et terra adversus eum consurgit: et manifestum erit peccatum illius in die furoris Domini: \* Cum eis, qui dixerunt Domino Deo: Recede a nobis, scientiam viarum tuarum nolumus.**

℣. In diem perditionis servabitur, et ad diem ultionis ducetur. \* Cum eis, qui dixerunt Domino Deo: Recede a nobis, scientiam viarum tuarum nolumus.

℞ ix., Feria V in Cœna Domini, Brev. O. Præd.

**SECUNDUM MYSTERIUM DOLOROSUM**  
**FLAGELLATIO CRUELIS**



**11. ✠ Insurrexérunt in me viri iníqui absque misericórdia, quæsiérunt me interficere: et non pepercérunt in fáciem meam spúere, et lánceis suis vulneravérunt me: et concússa sunt ómnia ossa mea: \* Ego autem existimábam me**

**tamquam mórtuum super terram.**

**℣. Effuderunt furórem suum in me: fremuerunt contra me déntibus suis. \* Ego autem existimábam me tamquam mórtuum super terram.**

℞ iii., Feria II majoris Hebdomadæ, Brev. Rom.

**12. ℞. Tradiderunt me in manus impiórum, et inter iníquos projecérunt me, et non pepercerunt ánimæ meæ: congregáti sunt advérsus me fortes: \* Et sicut gigantes steterunt contra me.**

**℣. Aliéni insurrexérunt advérsus me, et fortes quæsiérunt ánimam meam. \* Et sicut gigantes steterunt contra me.**

℞ vii., Feria VI in Parasceve, Brev. Rom.

**13. ℞. Aperuerunt super me ora sua, et exprobrátes percussérunt maxillam meam. \* Satiáti sunt pœnis meis.**

**℣. Convulnerávit lumbos meos, concídit me vúlnerē super vulnus: non pepercit. \* Satiáti sunt pœnis meis.**

℞ vi., SS. Columnæ Flagellationis D. N. J. C., Off. propria pro aliquibus locis, Brev. Rom.

**14. ℞. Super omnes inimícos meos factus sum oppróbrium, et vicínis meis valde, et timor notis meis: \* Et ossa mea conturbáta sunt.**

**℣. Factus sum tanquam vas pérditum, quóniam audívi vituperatióem multórum commorántium in circúitu. \* Et ossa mea conturbáta sunt.**

℞ i., SS. Columnæ Flagellationis D. N. J. C., Off. propria pro aliquibus locis, Brev. Rom.

**15. ℞. Ecce ego indúcam super te ter rórem, ait Dóminus Deus exercítuum ab ómnibus qui sunt in circúito tuo. \***



**Párvulum dedi te in Géntibus, contemptibilem inter hómines.**

**℣. Pavéscere fáciam eum coram inimícis suis, et in conspéctu quæréntium ánimam ejus, et addúcam super eum malum, viam furóris mei. \* Párvulum dedi te in Géntibus, contemptibilem inter hómines.**

℞ v., SS. Columnæ Flagellationis D. N. J. C., Off. propria pro aliquibus locis, Brev. Rom.

**16. ℞. Effúdit super eum Dóminus indignatióem furóris sui, et forte bellum: \* Non pósuit ei misericórdiam, et aggravávit super eum jugum suum valde.**

**℣. Quis dedit in direptiόem Jacob, et Israël? Nonne Deus cui peccávimus? \* Non pósuit ei misericórdiam, et aggravávit super eum jugum suum valde.**

℞ ii., SS. Columnæ Flagellationis D. N. J. C., Off. propria pro aliquibus locis, Brev. Rom.

**17. ℞. In túrbine contrívit me, et multiplicavérunt vúlnera mea, implévit me amaritudínibus \* Et pili carnis meæ inhorruérunt.**

**℣. Clamábo vim pátiens, et nemo áudiet, vociferábor et non est qui júdicet? \* Et pili carnis meæ inhorruérunt.**

℞ vii., SS. Columnæ Flagellationis D. N. J. C., Off. propria pro aliquibus locis, Brev. Rom.

**18. ℞. In conspéctu tuo sunt omnes qui tríbulant me, impropérium exspectávit cor meum et misériam. \* Quóniam ego sum pauper et dolens.**

**℣. Quem tu percussísti persecúti sunt, et super dolórem vúlnerum meó-**

**rum addidérunt. \* Quóniam ego sum pauper et dolens.**

℞ iii., SS. Columnæ Flagellationis D. N. J. C., Off. propria pro aliquibus locis, Brev. Rom.

**19. ℞. Usquequo affligitis ánimam meam, et attéritis me: confúnditis me, et non erubéscitis oppriméntes me. \* Saltem in-tellígite quia Deus afflíxerit me, et flagéllis me cínxerit.**

**℣. Spoliávit me glória mea, irátus est furor ejus, et sic me hábuit quasi hostem suum. \* Saltem intelligíte quia Deus afflíxerit me, et flagéllis me cínxerit.**


℞ viii., SS. Columnæ Flagellationis D. N. J. C., Off. propria pro aliquibus locis, Brev. Rom.

**20. ℞. Ecce vídimus eum non habéntem spéciem, neque decórem: aspéctus ejus in eo non est: hic peccáta nostra portávit, et pro nobis dolet: ipse autem vulnerátus est propter iniquitátes nostras: \* Cujus livóre sanáti sumus.**

**℣. Vere languóres nostros ipse tulit, et dolóres nostros ipse portávit. \* Cujus livóre sanáti sumus.**

℞ iii., Feria V in Coena Domini, Brev. Rom.

**TERTIUM MYSTERIUM DOLOROSUM**  
**CORONATIO ACERBISSIMA SPINARUM**



**21. R.** Maledicta terra in ópere hó-  
minis. \* Spinas et tríbulos germinávit  
Christo.

**V.** Quia comédit Adam de ligno, ex  
quo præcéperat Deus, ne coméderet. \*  
Spinas et tríbulos germinávit Christo.

℟ i., SS. Spineæ Coronæ D. N. J. C., Officia propria pro aliquibus locis, Brev. Rom.

**22. ℟. Próprio Fílio suo non pepércit; sed pro ómnibus nobis spinis coronándum trádidit illum: \* Quia diléxit nos.**

**℣. Míletes plecténtes coronam de spinis imposuérunt cápiti ejus. \* Quia diléxit nos.**

℟ i., SS. Spineæ Coronæ D. N. J. C., Proprium Sanctorum Mexicanorum, Brev. Rom.

**23. ℟. Míletes præsidis suscipiéntes Jesum in prætóríum, congregavérunt ad eum in univérsam cohórtem; \* Et plecténtes coronam de spinis, posuérunt super caput ejus et arúndinem in délixtera ejus.**

**℣. Dixérunt: Contumélia et torménto interrogémus eum, ut probémus patientiam illíus. \* Et plecténtes coronam de spinis, posuérunt super caput ejus et arúndinem in délixtera ejus.**

℟ iv., Susceptio S. Coronæ Spineæ, Officia propria ad usum Ecclesiæ Nanceiensis, Brev. Rom.

**24. ℟. Veste purpúrea circumdedérunt Jesum, et veniébant ad eum, \* Et dicébant: Ave, Rex Judæórum.**

**℣. Subsannavérunt me subsannatióne: frenduérunt super me déntibus suis. \* Et dicébant: Ave, Rex Judæórum.**

℟ v., Susceptio S. Coronæ Spineæ, Officia propria ad usum Ecclesiæ Nanceiensis, Brev. Rom.

**25. ℟. Pópule meus, quid feci tibi? aut quid moléstus fui tibi, pópole stulte et insípiens, ut spinis caput meum perforáres? respónde mihi: \* Quia edúxi te de terra Ægýpti, et de domo serviéntium liberávi te?**

**℟. Meménto, quæso, quæ fécerim tibi.**  
**\* Quia edúxi te de terra Ægýpti, et de domo serviéntium liberávi te?**

℟ iv., SS. Spineæ Coronæ D. N. J. C., Proprium Sanctorum Mexicanorum, Brev. Rom.

**26. ℟. Ego propter te Chananæórum reges percússi, et dedi tibi sceptrum regále: \* Et tu dedísti cápiti meo spineam coronam, et percussísti arúndine caput meum.**

**℟. Pópule meus, quid feci tibi, aut in quo contristávi te? respónde mihi. \* Et tu dedísti cápiti meo spineam coronam, et percussísti arúndine caput meum.**

℟ iv., In Commemoratione Passionis D. N. J. C., Officia propria pro aliquibus locis, Brev. Rom.

**27. ℟. Posuísti in cápite Jesu coronam non argéteam candóris et decóris, non aúream fulgóris et honóris, sed spineam dedécoris et mœróris: \* Væ tibi, pópole nequam.**

**℟. Circumdedísti caput ejus quasi regem sponsum decorátum coroná. \* Væ tibi, pópole nequam.**

℟ vi., SS. Spineæ Coronæ D. N. J. C., Proprium Sanctorum Mexicanorum, Brev. Rom. (immutata)

**28. ℟. Vidéte, omnes pópuli, et ululáte regem Judæórum, imo ómnium supernórum et infernórum. \* Quam dire a matre sua, imo novérca, coronátum.**

**℟. Plángite, et péctora vestra contúndite ob tale immáne factum, et vidéte. \* Quam dire a matre sua, imo novérca, coronátum.**

℟ ii., SS. Spineæ Coronæ D. N. J. C., Proprium Sanctorum Mexicanorum, Brev. Rom.

**29. R.** Generátio prava, atque perversa: \* Hæccine reddis Dómino et regi tuo?

**V.** Quóties vólui congregáre filios tuos, quemádmódum gallína cóngregat pullos suos sub alas, et noluísti! \* Hæccine reddis Dómino et regi tuo?

R. v., SS. Spineæ Coronæ D. N. J. C., Proprium Sanctorum Mexicanorum, Brev. Rom.

**30. R.** Christus sciens dolórem et infirmitátem, spinis coronátus: \* Ipse est, qui coronat vos in misericórdia et miseratió nibus.

**V.** Vulnerátus propter iniquitátes nostras, attrítus propter scélera nostra, cujus livóre sanáti sumus. \* Ipse est, qui coronat vos in misericórdia et miseratió nibus.

R. viii., SS. Spineæ Coronæ D. N. J. C., Officia propria pro aliquibus locis, Brev. Rom.

**QUARTUM MYSTERIUM DOLOROSUM**  
**BAJULATIO CRUCIS AD CALVARIUM MONTEM**



**31. ✠. Vinea mea elécta, ego te plantávi: \* Quómodo convérsa es in amaritúdinem, ut me crucifigeres et Barábam dimitteres?**

**✠. Sepívi te, et lápides elégi ex te, et ædificávi turrim. \* Quómodo convérsa**

**es in amaritudinem, ut me crucifigeres et Barábbam dimitteres?**

℟. iii., Feria VI in Parasceve, Brev. Rom.

**32. ℟. Eram quasi agnus innocens: ductus sum ad immolándum, et nesciébam: consílium fecérunt inimíci mei advérsus me, dicéntes: \* Veníte, mittámus lignum in panem ejus, et eradámus eum de terra vivéntium.**

**℣. Omnes inimíci mei advérsus me cogitábant mala mihi: verbum iníquum mandavérunt advérsus me, dicéntes. \* Veníte, mittámus lignum in panem ejus, et eradámus eum de terra vivéntium.**

℟. vii., Feria V in Coena Domini, Brev. Rom.

**33. ℟. Deponéntes omne pondus, et circúmstans nos peccátum, per patiéntiam currámus ad propósitum nobis certámen; \* Aspiciéntes in auctórem fidei et consummatórem, Jesum, qui propósito sibi gáudio sustínuit Crucem, confusióne contémpa.**

**℣. Recogitáte enim eum, qui talem sustínuit a peccatóribus advérsus semetípsum contradicióne, ut ne fatigémini, ánimis vestris deficientes. \* Aspiciéntes in auctórem fidei et consummatórem, Jesum, qui propósito sibi gáudio sustínuit Crucem, confusióne contémpa.**

℟. ii., Mysteriorum Viæ Crucis D. N. J. C., Brev. Rom.-Seraph.

**34. ℟. Jesus, ut sanctificáret per suum sánguinem pópulum, extra portam passus est: \* Exeámus ígitur ad eum ex-**



**tra castra, impérium ejus portantes.**

**✠. Non enim habemus hic manentem civitatem, sed futuram inquirimus. \* Exeamus igitur ad eum extra castra, impérium ejus portantes.**

℟ iv., Mysteriorum Viæ Crucis D. N. J. C., Brev. Rom.-Seraph.

**35. ✠. Si Christum audistis, et in ipso edocti estis, sicut est veritas in Jesu, \* Depónite vos secundum pristinam conversationem veterem hominem, qui corrumpitur secundum desideria erroris.**

**✠. Sed induimini Dominum Jesum Christum; et carnis curam ne feceritis in desideriis. \* Depónite vos secundum pristinam conversationem veterem hominem, qui corrumpitur secundum desideria erroris.**

℟ v., Mysteriorum Viæ Crucis D. N. J. C., Brev. Rom.-Seraph.

**36. ✠. Christus, delens quod adversus nos erat chirógraphum decreti, quod erat contrarium nobis, et ipsum tulit de medio, affigens illud Cruci; \* Et exspolians principatus et potestates, traduxit confidenter, palam triumphans illos in semetipso.**

**✠. Redemit nos de maledicto legis, factus pro nobis maledictum, quia scriptum est: Maledictus omnis qui pendet in ligno. \* Et exspolians principatus et potestates, traduxit confidenter, palam triumphans illos in semetipso.**

℟ vi., Mysteriorum Viæ Crucis D. N. J. C., Brev. Rom.-Seraph.

**37. ✠. Christus humiliavit semetipsum, factus obediens usque ad mortem,**

**mortem autem Crucis: \* Propter quod et Deus exaltávit illum, et donávit illi nomen quod est super omne nomen.**

**℟. Dedit se ut liberáret pópulum suum, et acquireret sibi nomen ætérnum. \* Propter quod et Deus exaltávit illum, et donávit illi nomen quod est super omne nomen.**

℟. i., Mysteriorum Viæ Crucis D. N. J. C., Brev. Rom.-Seraph.

**38. ℟. Ecce vídimus eum non habéntem spéciem neque decórem: aspéctus ejus in eo non est: \* Hic peccáta nostra portávit, et pro nobis dolet.**

**℟. Sed, quia pátiens Dóminus est, in hoc ipso pœniteámus, et indulgéntiam ejus fuis lácrimis postulémus. \* Hic peccáta nostra portávit, et pro nobis dolet.**

℟. iii., Mysteriorum Viæ Crucis D. N. J. C., Brev. Rom.-Seraph.

**39. ℟. Vadis propitiátor ad immolándum pro ómnibus: non tibi occúrrit Petrus, qui dicébat mori tecum; relíquit te Thomas, qui aiébat: Omnes cum eo moriámur. \* Et ne unus ex illis, sed tu solus dúceris, qui castam me confortásti, Fílius et Deus meus.**

**℟. Promitténtes tecum in cárcerem et in mortem ire; relícto te, fugérunt. \* Et ne unus ex illis, sed tu solus dúceris, qui castam me confortásti, Fílius et Deus meus.**

℟. i., Septem Dolorum B. M. V., Off. pr. Congregationis Gallicæ O. S. B., Brev. Mon.


**40. ℟. Bájulans sibi crucem Jesus exívit in eum, qui díctur Calváriæ, locum; \* Et ibi crucifixérunt eum.**

**✠. Pósuit in eo Dóminus iniquitátem  
ómnium nostrum, et vulnerátus est  
propter iniquitátes nostras; vere doló-  
res nostros ipse portávit. \* Et ibi cruci-  
fixérunt eum.**

℞ vi., De Lancea et Clavis D. N. J. C., Off. pr. Sanctorum pro  
diversitate Locorum, Congregationum et Provinciarum recitanda,  
juxta concessa unicuique a S. Sede facta, Brev. Mon.



**QUINTUM MYSTERIUM DOLOROSUM**  
**CRUCIFIXIO ET MORS IN LIGNO CRUCIS**



**41. ☩ Lustra sex qui jam perégit,  
tempus implens córporis: \* Sponte líbe-  
ra Redémptor Passióni déditus, Agnus  
in crucis levátur immolándus stípíte.**

**☩ Dulce lignum, dulces clavos, dulce  
pondus sústinet. \* Sponte líbera Red-**

**émptor Passiōni déditus, Agnus in crucis levátur immolándus stípíte.**

℞ i., De Lancea et Clavis D. N. J. C., Off. Pr. Sanctorum pro diversitate Locorum, Congregationum et Provinciarum recitanda, juxta concessa unicuique a S. Sede facta, Brev. Mon.

**42. ℞. Ego feci terram et hóminem super eam creávi ego; manus meæ tetendérunt cœlos, et omni milítiæ eórum mandávi: \* Et tu fodísti manus meas, et pedes meos, dinumerásti ómnia ossa mea.**

**℣. Pópule meus, quid feci tibi, aut in quo contristávi te? respónde mihi. \* Et tu fodísti manus meas, et pedes meos, dinumerásti ómnia ossa mea.**

℞ ix., Officium votivum de Passione D.N. J. C., Brev. Mon.

**43. ℞. Manus ejus tornátiles, clavórum cúspide terebrátæ, \* Humánæ salútis prétio quasi hyacínthis refértæ.**

**℣. Córnuā in mánibus ejus: ibi abscóndita est fortitúdo ejus: sunt enim manus ejus \* Humánæ salútis prétio quasi hyacínthis refértæ.**

℞ ii., Septem Dolorum B. M. V., Brev. Rom.

**44. ℞. Manábat sanguis ejus ex quátuor pártibus rigántibus undis, ligno mánibus pedibúque confixis, de vultu illíus pulchritúdo efflúxerat omnis, \* Et qui erat speciósus forma præ filiis hóminum, videbátur ómnium indecórus.**

**℣. Non erat species ei neque decor: vídimus eum, et non erat aspéctus. \* Et qui erat speciósus forma præ filiis hóminum, videbátur ómnium indecórus.**

℞ ix., Pretiosissimi Sanguinis D. N. J. C., Brev. O. Carm.

**45. ℞. Agnus Dei Christus immolátus**

est pro salute mundi: nam de parentis protoplasti fraude facta condolens, quando pomi noxialis morsu in mortem corruit, ipse lignum tunc notavit, \* Damna ligni ut solveret.

✠ Christus factus est pro nobis obediens usque ad mortem: mortem autem crucis. \* Damna ligni ut solveret.

℟ ix., Sabbato sancto, Brev. O. Præm.

**46. ✠** Cum vidisset Jesus Matrem, et discipulum, quem diligebat, stantes juxta crucem, dixit Matri suæ: Mulier, ecce filius tuus; deinde discipulo: \* Ecce Mater tua.

✠ Et ex illa hora accepit eam discipulus in sua. \* Ecce Mater tua.

℟ ix., In Compassione B. M. V., Brev. O. Præd.

**47. ✠** Passio Domini, \* Ipsam ejus Matrem, carnali orbitate graviter percussam, vehementissime contristavit.

✠ Ferrum lanceæ militaris, latus quidem Salvatoris, animam vero transivit virginis Matris. \* Ipsam ejus Matrem, carnali orbitate graviter percussam, vehementissime contristavit.

℟ v., Septem Dolorum B. M. V., Brev. Rom.

**48. ✠** Sol obscuritate se induit: dies se in noctem mutavit: terra se tremore concussit: et templi scissum est velum. \* Cum in cruce moriens Salvator, tradidit spiritum.

✠ Non defecit ex dolore Mater ejus, etsi ad mortem usque lassata est. \* Cum in cruce moriens Salvator, tradidit spiritum.

℟ viii., Pietatis B. M. V., Suppl. pro tota Diocesi Goana, Brev.

Rom.

**49. R.** Perénniter sit benedícta tua innocentíssima ánima, O Mater ætérnæ lætítiæ, quam dolórum gládius pertránsiit, illum namque libens sustinuísti: \* Ut nostras fráguiles ánimas non pertransíret gládius mortis perpétuæ.

**V.** O veræ dilectiónis pleníssima, da nobis eum perfécte dilígere, qui nobis miserábiliter mórtuis felícem vitam comparávit próprii cordis ságuine. \* Ut nostras fráguiles ánimas non pertransíret gládius mortis perpétuæ.

R. ii., Feria VI ad Matutinum, Brev. O. SS. Salv.

**50. R.** Diléctus meus cándidus et rubicúndus, et totus desiderábilis: \* Omnis enim figúra ejus amórem spirat, et ad redamándum próvocat caput inclinátum, manus expánsæ, pectus apértum.

**V.** Piis, O Virgo, spectas eum óculis, contémplans in eo non tam vúlnerum livórem, quam mundi salútem. \* Omnis enim figúra ejus amórem spirat, et ad redamándum próvocat caput inclinátum, manus expánsæ, pectus apértum.

R. i., Septem Dolorum B. M. V., Brev. Rom.




**FERIA IV**





**PRIMUM MYSTERIUM GLORIOSUM**  
**RESURRECTIO CHRISTI A MORTUIS**



**1. ✠ Mulieres venērunt ad monum-  
éntum, portántes quæ paráverant aró-  
mata, \* Et invenērunt lápidem revolú-  
tum a monuménto, allelúja.**

**✠ Et factum est, dum mente conster-  
nátæ essent, ecce duo viri stetērunt se-**

**cus illas in veste fulgénti. \* Et invenérunt lápidem revolútum a monuménto, allelúja.**

℟ vii., Ssmi. Sepulcri D. N. J. C., Brev. Rom.-Seraph.

**2. ℟ Cum mulieres timérent, et declinárent vultum suum in terram, Angeli dixerunt ad illas: \* Quid quæritis vivéntem cum mórtuis? allelúja; non est hic, sed resurréxit, allelúja.**

**℣. Recordámini quáliter locútus est vobis, cum adhuc in Galilæa esset, dicens: Quia opórtet Fílium hóminis tradi in manus hóminum peccatórum, et crucifigi, et die tértia resúrgere. \* Quid quæritis viv-éntem cum mórtuis? allelúja; non est hic, sed resurréxit, allelúja.**

℟ viii., Ssmi. Sepulcri D. N. J. C., Brev. Rom.-Seraph.

**3. ℟ Stetit Jesus in médio dicipulórum suórum, et dixit eis: \* Pax vobis; ego sum, nolíte timére, allelúja, allelúja.**

**℣. Ego sum frater vester, nolíte pavére; pro salúte enim vestra misit me Deus ante vos: \* Pax vobis; ego sum, nolíte timére, allelúja, allelúja.**

℟ iii., Feria III Hebdom. Paschæ, Brev. Paris.

**4. ℟ O stulti et tardi corde ad credéndum in ómnibus quæ locúti sunt Prophétæ! nonne hæc opórtuit pati Christum, \* Et ita intráre in glóriam suam? allelúja, allelúja.**

**℣. Dóminus vóluit contérere eum in infirmitáte. \* Et ita intráre in glóriam suam? allelúja, allelúja.**

℟ iii., Fer. II intra Oct. Paschæ, Brev. Eccl. Rotom.

**5. ℟ Post dies octo íterum erat disci-**

**puli Jesu intus, et Thomas cum eis. \* Venit Jesus jánuis cláuis, et stetit in médio, et dixit: Pax vobis, allelúja, allelúja.**

**℟. Bonus est Dóminus sperántibus in eum, ánimæ quærénti illum. \* Venit Jesus jánuis cláuis, et stetit in médio, et dixit: Pax vobis, allelúja, allelúja.**

℟ iii., Dom. in Oct. Paschæ, Brev. Eccl. Rotom.

**6. ℟. Infer digitum tuum huc, et vide manus meas, et affer manum tuam, et mitte in latus meum: \* Et noli esse incrédulus, sed fidélis.**

**℟. Delévi iniquitátes tuas: revértere ad me, quóniam redémi te: \* Et noli esse incrédulus, sed fidélis.**

℟ vi., In Festo quinque Plagarum Christi, Brev. Paris.

**7. ℟. Jesum Nazarénium virum approbátum a Deo virtútibus et prodígiis, per manus iniquórum affigéntes interemístis: \* Quem Deus suscitávit, allelúja, allelúja.**

**℟. Ipse est Deus vivens, et ætérmus in sæcula, fáciens signa et mirábilia in cœlo et in terra: \* Quem Deus suscitávit, allelúja, allelúja.**

℟ i., Feria V Hebdom. Paschæ, Brev. Paris.

**8. ℟. Quæ ad patres nostros repromissio facta est, hanc Deus adimplévit filiis nostris, \* Resúscitans Jesum, allelúja, allelúja.**

**℟. Dóminus Deus noster adimplévit misericórdiam suam quam promísit dómui Israël. \* Resúscitans Jesum, allelúja, allelúja.**

℟ i., Fer. IV intra Hebd. I post Pascha, Brev. Paris.

**9. R.** Ubi est, mors, victória tua? ubi est, mors, stímulus tuus? stímulus mortis peccátum est; \* Deo autem grátias, qui dedit nobis victóriam per Dóminum nostrum Jesum Christum, allelúja, allelúja.

**V.** Oblivióni tráditæ sunt angústiae prióres, et absconditæ ab óculis; \* Deo autem grátias, qui dedit nobis victóriam per Dóminum nostrum Jesum Christum, allelúja, allelúja.

R. ii., Feria VI Hebdm. Paschæ, Brev. Paris.

**10. R.** Ego sum primus et novíssimus; et vivus, et fui mórtuus, \* Et hábeo claves mortis et inférni, allelúja, allelúja, allelúja.

**V.** Ego dormívi, et soporátus sum; et exsurrexi quia Dóminus suscepit me. \* Et hábeo claves mortis et inférni, allelúja, allelúja, allelúja.

R. i., In die sancto Paschæ, Brev. Paris.



**SECUNDUM MYSTERIUM GLORIOSUM**  
**ASCENSIO CHRISTI IN COELUM**



**11. ✠ Pater, ego te clarificávi super  
terram; opus consummávi, quod dedís-  
ti mihi ut fáciam: \* Et nunc clarífica me  
tu, Pater, apud temetípsum, claritáte  
quam hábui, priusquam mundus esset,  
apud te, allelúja, allelúja.**

**℟̃. Osténde hódie quia tu es Deus Isra-  
ël, et ego servus tuus, et juxta præcép-  
tum tuum feci ómnia: \* Et nunc clarífi-  
ca me tu, Pater, apud temetípsium,  
claritáte quam hábui, priusquam mun-  
dus esset, apud te, allelúja, allelúja.**

℟̃ iii., Vigilia Ascensionis, Brev. Paris.

**12. ℟̃. Consúrge, Dómine Deus, in ré-  
quiem tuam, tu et arca fortitúdinis tu-  
æ, allelúja: \* Dómine Deus, ne avérteris  
fáciem Christi tui, allelúja, allelúja.**

**℟̃. Pater, venit hora, clarífica Fílium  
tuum, ut Fílius tuus claríficet te: \* Dó-  
mine Deus, ne avérteris fáciem Christi  
tui, allelúja, allelúja.**

℟̃ i., Vigilia Ascensionis, Brev. Paris.

**13. ℟̃. Edúxit Jesus discípulos foras  
in Bethániam, et elevátis mánibus, be-  
nedíxit eis; et factum est \* Dum bene-  
diceret illis, recéssit ab eis, et ferebátur  
in cœlum, allelúja, allelúja.**

**℟̃. Sedébit Dóminus rex in ætérnum:  
Dóminus benedícet pópulo suo in pace.  
\* Dum benedíceret illis, recéssit ab eis,  
et ferebátur in cœlum, allelúja, allelúja.**

℟̃ i., In Ascensione Domini, Brev. Paris.

**14. ℟̃. Vidéntibus Apóstolis, \* Jesus e-  
levátus est; et nubes suscepit eum ab  
óculis eórum, allelúja, allelúja.**

**℟̃. Ascéndit Elías in cœlum; Elisæus  
autem vidébat, et clamábat: Pater mi;  
et non vidit eum ámplius. \* Jesus ele-  
vátus est; et nubes suscepit eum ab óc-  
ulis eórum, allelúja, allelúja.**

℟̃ ii., In Ascensione Domini, Brev. Paris.

**15. ℟̃. Attóllite portas, príncipes, ves-**



tras, et elevámini, portæ æternáles, allelúja, et introíbit Rex glóriæ. \* Quis est iste Rex glóriæ? Dóminus virtútum ipse est Rex glóriæ, allelúja, allelúja.

℣. Hunc Príncipem Deus exaltávit dēxtera sua: \* Quis est iste Rex glóriæ? Dóminus virtútum ipse est Rex glóriæ, allelúja, allelúja.

℞ ad I Vesp., In Ascensione Domini, Brev. Paris.

**16. ℞.** Viri Galilæi, quid statis aspicientes in cœlum? hic Jesus qui assumptus est a vobis in cœlum, \* Sic véniet quemádmódum vidístis eum euntem in cœlum, allelúja, allelúja.

℣. Ad iudícium véniet cum sénibus pópuli sui, et princípibus ejus: \* Sic véniet quemádmódum vidístis eum euntem in cœlum, allelúja, allelúja.

℞ ad I Vesp., Octava Ascensionis, Brev. Paris.

**17. ℞.** Ascéndit Deus in júbilo: \* Psállite Deo nostro, psállite Regi nostro; quóniam rex omnis terræ Deus, allelúja, allelúja.

℣. Dóminus Jesus assumptus est in cœlum, et sedet a dextris Dei. \* Psállite Deo nostro, psállite Regi nostro; quóniam rex omnis terræ Deus, allelúja, allelúja.

℞ iii., In Ascensione Domini, Brev. Paris.

**18. ℞.** Christus Jesus in sempitérnum sedet in dēxtera Dei, de cætero \* Expectans donec ponántur inimíci ejus scabéllum pedum ejus, allelúja, allelúja.

℣. Dómini est regnum; et ipse domi-

**nábitur géntium. \* Expéctans donec ponántur inimíci ejus scabéllum pedum ejus, allelúja, allelúja.**

℟ iii., Feria VI intra Oct. Ascensionis, Brev. Paris.

**19. ℞ Exsultávit ut gigas ad curréndam viam, \* A summo cœlo egréssio ejus, et occúrsus ejus usque ad summum ejus, allelúja, allelúja.**

**℣. Nemo ascéndit in cœlum, nisi qui descéndit de cœlo, Fílius hóminis, qui est in cœlo. \* A summo cœlo egréssio ejus, et occúrsus ejus usque ad summum ejus, allelúja, allelúja.**


℟ ii, In Ascensione Domini, Brev. Eccl. Rotom.

**20. ℞ Exaltáre, Dómine, in virtúte tua, allelúja: \* Cantábimus et psallémus virtútes tuas, allelúja, allelúja.**

**℣. Grátias ágimus tibi, Dómine Deus omnípotens, quia accepísti virtútem tuam magnam, et regnásti: \* Cantábimus et psallémus virtútes tuas, allelúja, allelúja.**

℟ i., Dominica intra Oct. Ascensionis, Brev. Paris.

**TERTIUM MYSTERIUM GLORIOSUM**  
**MISSIO SPIRITUS SANCTI AD BEATAM**  
**MARIAM VIRGINEM ET APOSTOLOS**



**21. ✠ Si diligitis me, mandata mea servate: \* Et ego rogabo Patrem, et alium Paraclitum dabit vobis, ut maneat vobiscum in ætérnum, allelúja, allelúja.**

**✠ Diligite Dóminum, omnes sancti e-**

**jus; et confortétur cor vestrum, omnes qui sperátis in Dómino: \* Et ego rogábo Patrem, et álium Paráclitum dabit vobis, ut máneat vobíscum in ætérnum, allelúja, allelúja.**

℟. iii., In Vigilia Pentecostes, Brev. Paris.

**22. ℟. Cum vénerit Paráclitus qui a Patre procédit, ille testimónium perhibébit de me: \* Et vos testimónium perhibébitis, quia ab inítio mecum estis, allelúja, allelúja.**

**℣. Ego sum Dóminus, et non est absque me Salvátor: ego salvávi; vos testes mei, et ego Deus. \* Et vos testimónium perhibébitis, quia ab inítio mecum estis, allelúja, allelúja.**

℟. iii., Dom. intra Oct. Ascensionis, Brev. Paris.

**23. ℟. Super servos meos et ancíllas in diébus illis effúndam Spíritum meum: \* Et dabo prodígia in cœlo et in terra; et erit: Omnis qui invocáverit nomen Dómini, salvus erit, allelúja, allelúja.**

**℣. Oportébat Christum pati, et resúrgerere a mórtuis: vos autem testes estis horum; et ego mitto promíssum Patris mei in vos. \* Et dabo prodígia in cœlo et in terra; et erit: Omnis qui invocáverit nomen Dómini, salvus erit, allelúja, allelúja.**

℟. ad I Vesp., In die sancto Pentecostes, Brev. Paris.

**24. ℟. Numerábitis vobis ab áltero die Sábbati azymórum quinquagínta dies; et sic offerétis sacrificium novum Dómino: et \* Vocábitis hunc diem celebérri-**

**mum atque sanctíssimum, allelúja, allelúja.**

**℣. Cum compleréntur dies Pentecostes, erant omnes páriter in eódem loco, et repléti sunt Spíritu sancto: \* Vocábitis hunc diem celebérrimum atque sanctíssimum, allelúja, allelúja.**

℞ i., In die sancto Pentecostes, Brev. Paris.

**25. ℞. Factus est repénite de cœlo sonum tamquam adveniéntis spíritus veheméntis: \* Sedit ignis supra singulos eórum; et cœpérunt loqui váriis linguis, prout Spíritus sanctus dabat éloqui illis, allelúja, allelúja.**

**℣. Dóminus de Sínai venit; in délixtera ejus ígnea lex: et qui appropínquant pédibus ejus, accípiunt de doctrína illius. \* Sedit ignis supra singulos eórum; et cœpérunt loqui váriis linguis, prout Spíritus sanctus dabat éloqui illis, allelúja, allelúja.**

℞ ii., In die sancto Pentecostes, Brev. Paris.

**26. ℞. Petrus cum Undecim, locútus est eis: Pœniténtiam ágite, \* Et baptizétur unusquisque vestrum in remissionem peccatórum; et accipiétis donum Spíritus sancti, allelúja, allelúja.**

**℣. Usquequo stulti ea quæ sibi sunt nóxia cúpiunt? Convertímini ad correptionem meam; \* Et baptizétur unusquisque vestrum in remissionem peccatórum; et accipiétis donum Spíritus sancti, allelúja, allelúja.**

℞ i., Feria II Hebdom. Pentecostes, Brev. Paris.

**27. ℞. Qui recepérunt sermónem Pet-**

ri, baptizáti sunt: erant autem perseve-  
rántes in doctrína Apostolórum; \* Om-  
nes étiam qui credebánt, erat páriter,  
et habébant ómnia commúnia, allelúja,  
allelúja.

✠. Ecce quam bonum, et quam jucún-  
dum habitáre fratres in unum; quóniam  
illic mandávit Dóminus benedicti-  
onem: \* Omnes étiam qui credebánt, er-  
at páriter, et habébant ómnia commú-  
nia, allelúja, allelúja.

℟. ii., Feria II Hebdom. Pentecostes, Brev. Paris.

**28. ℟.** Loquente Petro, cecidit Spíri-  
tus sanctus super omnes qui audiébant  
verbum: et obstupuérunt ex circumci-  
sióne fidéles, quia \* Et in natiónes grá-  
tia Spíritus sancti effúsa est, allelúja,  
allelúja.

✠. Non est apud Deum nostrum perso-  
nárum accéptio. \* Et in natiónes grátia  
Spíritus sancti effúsa est, allelúja, alle-  
lúja.

℟. i., Feria IV Hebdom. Pentecostes, Brev. Paris.

**29. ℟.** Quod natum est ex carne, caro  
est; et quod natum est ex Spíritu, spíri-  
tus est. Non miréris quia dixi: Opórtet  
vos nasci dénuo. \* Spíritus ubi vult spi-  
rat, allelúja, allelúja.

✠. Quis adjúvit Spíritum Dómini, aut  
quis consiliárius ejus fuit, et osténdit  
illi? \* Spíritus ubi vult spirat, allelúja,  
allelúja.

℟. iii., Feria II Hebdom. Pentecostes, Brev. Paris.

**30. ℟.** Recordátus est Dóminus pópuli  
sui: edúxit eos cum pastóribus gregis

**sui: \* Pósuit in médio ejus Spíritum sancti sui, allelúja, allelúja.**

**✠. Ipse dedit pastóres et doctóres, ad consummationem sanctórum in opus ministérii, in ædificationem córporis Christi: \* Pósuit in médio ejus Spíritum sancti sui, allelúja, allelúja.**

℞ iii., Feria III Hebdom. Pentecostes, Brev. Paris.





**QUARTUM MYSTERIUM GLORIOSUM**  
**ASSUMPTIO BEATÆ MARIÆ VIRGINIS**  
**IN CŒLUM**



**31. ✠ Concupiscit et déficit ánima mea in átria Dómini: \* Cor meum et caro mea exsultavérunt in Deum vivum. Vidébitur Deus deórum in Sion.**

**✠ Scio quia secúndum expectatió-**

em et spem meam in nullo confundar.  
**\* Cor meum et caro mea exsultaverunt in Deum vivum. Vidébitur Deus deórum in Sion.**

℟ ii., In Assumptione B. M. V., Brev. Paris.

**32. ℟. Quid mihi est in cœlo, et \* A te quid vólui super terram? Defécit caro mea, et cor meum: Deus cordis mei, et pars mea in ætérnum.**

℣. Mihi vívere Christus est, et mori, lucrum. **\* A te quid vólui super terram? Defécit caro mea, et cor meum: Deus cordis mei, et pars mea in ætérnum.**

℟ i., In Assumptione B. M. V., Brev. Paris.

**33. ℟. In sanctitáte fúlgida, et plena felicitáte complévit dies suos sanctíssima María Virgo. \* Hacque die clara suscepit cœléstia gáudia.**

℣. Pulchra fácie, sed púlchrior fide, felicíssima María Virgo. **\* Hacque die clara suscepit cœléstia gáudia.**

℟ vi., Commune unius Matronæ, Brev. O. Carm. (immutata)

**34. ℟. En diléctus meus lóquitur mihi: \* Surge, própéra amíca mea, columba mea, formósa mea, et veni.**

℣. Spíritus et sponsa dicunt: Veni; et qui audit dicat: Veni. **\* Surge, própéra amíca mea, columba mea, formósa mea, et veni.**

℟ ad I Vesp., In Assumptione B. M. V., Brev. Eccl. Rotom.

**35. ℟. Tota pulchra es, amíca mea, et \* Mácula non est in te; veni de Líbano: odor vestimentórum tuórum sicut odor thuris.**

℣. Qui non inquinavérunt vestiménta sua, ambulábunt mecum in albis, quia

**digni sunt. \* Mácula non est in te; veni de Líbano: odor vestimentórum tuórum sicut odor thuris.**

℞ v., In Assumptione B. M. V., Brev. Paris.

**36. ℞ Quæ est ista, quæ ascéndit per désertum, \* Sicut vírgula fumi ex aromátibus myrrhæ et thuris.**

℣. Datae sunt mulieri alæ duæ, ut voláret in locum suum. \* Sicut vírgula fumi ex aromátibus myrrhæ et thuris.

℞ ii., In Assumptione B. M. V., Brev. Eccl. Rotom.

**37. ℞ Quæ est ista quæ \* Ascéndit de désérto delíciis áffluens, inníxa super diléctum suum?**

℣. María de qua natus est Jesus, qui vocátur Christus. \* Ascéndit de désérto delíciis áffluens, inníxa super diléctum suum?

℞ iii., In Assumptione B. M. V., Brev. Eccl. Rotom.

**38. ℞ Anteíbit fáciem tuam justítia tua, \* Et glória Dómini cólliget te; et Dóminus implébit splendóribus ánimam tuam.**

℣. Abundánte ministrábitur intróitus in ætérnum regnum; \* Et glória Dómini cólliget te; et Dóminus implébit splendóribus ánimam tuam.

℞ vi., In Assumptione B. M. V., Brev. Paris.

**39. ℞ Qui creávit me, requiévít in tabernáculo meo, \* Et dixit mihi: Inter eléctos meos hereditáre, et sic in Sion firmáta sum.**

℣. Beátam me dicent omnes generatiónes; quia fecit mihi magna qui potens est. \* Et dixit mihi: Inter eléctos meos hereditáre, et sic in Sion firmáta sum.

℣ vii., In Assumptione B. M. V., Brev. Paris.

**40. ℣ Te Sanctum Dóminum in excélsis laudant omnes Angeli dicétes: \* Te decet laus et honor, Dómine.**

**℣. Chérubim atque Séraphim, omnisque cœlicus ordo, pro tua glória, O Virgo, laudes proclámat Dómino, dicens: \* Te decet laus et honor, Dómine.**

℣ i., Feria II ad Matutinum, Brev. O. SS. Salv.

**QUINTUM MYSTERIUM GLORIOSUM**  
**CORONATIO BEATÆ MARIÆ VIRGINIS**  
**IN CŒLO**



**41. ☩ Surréxit Rex in occúrsum matris, et sedit super thronum suum; \* Positúsque est thronus matri Regis, quæ sedit ad délixteram ejus.**

**☩ Péperit Fílium másculum qui rec-**

**túrus erat omnes Gentes. \* Positúsque est thronus matri Regis, quæ sedit ad dexteram ejus.**

℞ iv., In Assumptione B. M. V., Brev. Eccl. Rotom.

**42. ℞ Adamávit eam Rex plusquam omnes mulieres, habuítque grátiam et misericórdiam coram eo, \* Et pósuit diadéma regni in cápite ejus, fecítque eam regnáre.**

**℣. Respéxit humilitátem ancillæ suæ. \* Et pósuit diadéma regni in cápite ejus, fecítque eam regnáre.**

℞ vii., In Assumptione B. M. V., Brev. Eccl. Rotom.

**43. ℞ Apértum est templum Dei in cœlo, et signum magnum appáruit in cœlo: Múlier amícta sole, et luna sub pédibus ejus, et \* In cápite ejus coróna stellárum duódecim.**

**℣. Astitit regína a dextris tuis, Deus, in vestítu deauráto circúmdata varietáte. \* In cápite ejus coróna stellárum duódecim.**

℞ ix., In Assumptione B. M. V., Brev. Paris.

**44. ℞ Cértamen forte dedit tibi Dóminus, O Regína, ut vincerés: \* Et quóniam vicísti, dedit tibi potestátem super gentes, et exaltávit te super omnes choros Angelórum.**

**℣. Revocávit me gaudéntem in victória sua, in evasióne mea et liberatióne vestra. \* Et quóniam vicísti, dedit tibi potestátem super gentes, et exaltávit te super omnes choros Angelórum.**

℞ v., In Solemn. Liberationis Urbis Aniciensis ab hæreticis, Off. pr. Diócesis Aniciensis, Brev. Rom.

**45. ℞ Præpósita ómnibus, gubérnat**

**créditam sibi domum et univérſa, quæ ei sunt trádicta, \* Absque ejus império non movébit quisquam manum aut pedem in omni terra.**

**℟. Benedictionem ómnium géntium dedit illi Dóminus, et testaméntum suum confirmávit super caput ejus. \* Absque ejus império non movébit quisquam manum aut pedem in omni terra.**

℟ v., B. M. V. Omnium Gratiarum Mediatricis, Off. Pr. Congr. Sacerdotum a S. Corde Jesu, Brev. Rom.

**46. ℟. Thronus ejus erit stábilis coram Dómino \* Usque in sempitérnum.**

**℟. Benedícta tu inter mulieres et benedíctus fructus ventris tui. \* Usque in sempitérnum.**

℟ viii., In Assumptione B. M. V., Brev. Eccl. Rotom.

**47. ℟. Facta est María refúgium páuperi, \* Adjútrix in opportunitátibus, in tribulatione.**

**℟. Virgo potens sicut turris David: mille clýpei pendent ex ea, omnis armátúra fórtium. \* Adjútrix in opportunitátibus, in tribulatione.**

℟ vii., B. M. V. Omnium Gratiarum Mediatricis, Off. Pr. Congr. Sacerdotum a S. Corde Jesu, Brev. Rom.

**48. ℟. Glorióſa dicta sunt de te, O María Regína cœli, Dómina mundi: \* Quia ex te natus, et tibi súbditus est Rex regum et Dóminus dominántium.**

**℟. Super áspidem et basilíscum ambulásti et conculcásti leónem et dracónem. \* Quia ex te natus, et tibi súbditus est Rex regum et Dóminus dominántium.**

℟ vi., In Solemn. Liberationis Urbis Aniciensis ab hæreticis, Off. pr. Diœcesis Aniciensis, Brev. Rom.

**49. R.** **María, summæ Trinitátis, te et ómnia in se concludéntis domicílium, ómnium virtútum flóribus redímítum, dispensátrix prudentíssima, circúmda míseros protectióne tua: \* Et réfove famélicos tua benigna providéntia.**

**V.** **Réspice propítia, perícula populórum, captivórum gémitus, tribulatiónes orphanórum, ut omnes sibi séntiant tuam providéntiam profuísse: \* Et réfove famélicos tua benigna providéntia.**

R. iii., Dominica ad Matutinum, Brev. O. SS. Salv.

**50. R.** **O cœléstis Regína, quæ nobis refúgium facta es et interpellátrix apud Deum: óptima Dómina, misericórdiam exténde super nos; \* O vigil et dulcis Mater, réspice filios tuos, ad salvándum potentíssima.**

**V.** **Dévios révoca, mórtuos súscita, cunctos dírige in viam pacis, nam óculi ómnium in te sperant. \* O vigil et dulcis Mater, réspice filios tuos, ad salvándum potentíssima.**

R. viii., Immaculati Cordis B. M. V. Refugium Peccatorum, Suppl. pro Congr. S. Spiritus sub invocatione Immaculati Cordis B. M. V., Brev. Rom.



## FERIA V





**PRIMUM MYSTERIUM LUMINOSUM**

**CHRISTUS BAPTIZATUR  
APUD FLUMEN JORDANIS**



**1. ✠ Factum est verbum Dómini super Joánnem Zachariæ filium, in deserto; \* Et venit in omnem regiónem Jordánis, prædicans baptísmum pœnitentiæ in remissionem peccatórum.**

**℟.** Hic est qui dictus est per Isaíam Prophétam: Vox clamántis in desérto; Paráte viam Dómini, rectas fácite sémitas ejus. \* Et venit in omnem regiónem Jordánis, prædicans baptísmum pœniténtiæ in remissiónem peccatórum.

℟. xi., Nativitas S. Joannis Baptistæ, Brev. Congr. S. Mauri

**2. ℟.** Ego quidem baptízo in aqua in pœniténtiam: qui autem post me ventúrus est, fórtior me est: \* Ipse vos baptizábit in Spíritu Sancto et igni.

**℟.** Ipse est qui post me ventúrus est, qui ante me factus est, cujus ego non sum dignus ut solvam ejus corrígiam calceaménti. \* Ipse vos baptizábit in Spíritu Sancto et igni.

℟. xii., Nativitas S. Joannis Baptistæ, Brev. Congr. S. Mauri

**3. ℟.** Factum est in diébus illis venit Jesus a Názareth Galiææ: \* Et baptizátus est a Joánne in Jordáne.

**℟.** Véterem hóminem rénovans Salvátor venit ad baptísmum: ut natúram, quæ corrúpta erat, per aquam recuperáret, incorruptíbili veste circumamíctans nos. \* Et baptizátus est a Joánne in Jordáne.

℟. iv., In Oct. Epiphaniæ et Baptismo Domini, Brev. Paris. (immutata)

**4. ℟.** Vidit Joánnes Jesum veniéntem ad se, et ait: Ecce Agnus Dei; \* Ecce qui tollit peccátum mundi.

**℟.** Justificábit ipse multos, et iniquitátes eórum ipse portábit. \* Ecce qui tollit peccátum mundi.

℟. ix., Oct. Epiphaniæ et Baptismus Domini, Brev. Congr. S. Mauri

**5. R.** Joáñnes prohibébat Jesum dicens: Ego a te débeo baptizári, et tu venis ad me? Jesus dixit: \* Sine modo, sic enim decet nos implére omnem justítiam.

**V.** Baptísta contrémuit, et non audet tángere sanctum Dei vérticem, sed clamat cum tremóre: Sanctífica me, Dómine. \* Sine modo, sic enim decet nos implére omnem justítiam.

R. v., Oct. Epiphaniæ et Baptismus Domini, Brev. Congr. S. Mari (immutata)

**6. R.** Jesu baptizáto et oránte, apértum est cœlum; et \* Descéndit Spíritus Sanctus corporáli spécie sicut colúmba in ipsum.

**V.** Flos de radíce Jesse ascéndet: et requiescet super eum Spíritus Dómini. \* Descéndit Spíritus Sanctus corporáli spécie sicut colúmba in ipsum.

R. v., In Oct. Epiphaniæ et Baptismo Domini, Brev. Paris.

**7. R.** Vidi Spíritum descendéntem quasi colúmbam de cœlo, et mansit super eum; \* Vidi, et testimónium perhíbui, quia hic est Fílius Dei.

**V.** Deus osténdit illi glóriam suam; audívit enim eum, et vocem ipsíus. \* Vidi, et testimónium perhíbui, quia hic est Fílius Dei.

R. ix., In Oct. Epiphaniæ et Baptismo Domini, Brev. Paris.

**8. R.** Ecce vox de cœlis, dicens: \* Hic est Fílius meus diléctus, in quo mihi complácu.

**V.** Vox Dómini super aquas, Deus majestátis intónuit: \* Hic est Fílius meus diléctus, in quo mihi complácu.

℟ vi., In Oct. Epiphaniæ et Baptismo Domini, Brev. Paris.

**9. ℟. Dóminus dixit ad me: Fílius meus es tu; ego hódie génui te: \* Póstula a me, et dabo tibi gentes hæreditátem tuam, et possesióem tuam términos terræ.**

**℣. Sic præcépit Dóminus: Pósuí te in lucem géntium, ut sis salútem usque ad extrémum terræ. \* Póstula a me, et dabo tibi gentes hæreditátem tuam, et possesióem tuam términos terræ.**

℟ ii., Oct. Epiphaniæ et Baptismus Domini, Brev. Congr. S. Mauri


**10. ℟. Ecce aquæ egrediebántur ad oriéntem, et ait Dóminus: Aquæ istæ sanabúntur; \* Et vivent ómnia ad quæ vénerit torrens, quia aquæ de sanctuário egrediéntur.**

**℣. Osténdit mihi Angelus flúvium aquæ vitæ, procedéntem de sede Dei et Agni, et ex utrâque parte flúminis lignum vitæ. \* Et vivent ómnia ad quæ vénerit torrens, quia aquæ de sanctuário egrediéntur.**

℟ iii., In Octava Epiphaniæ et Baptismo Domini, Brev. Paris.



**SECUNDUM MYSTERIUM LUMINOSUM**  
**INITIO SIGNORUM CHRISTI**  
**IN CANA GALILÆÆ**



**11. R. Nuptiæ factæ sunt in Cana Galilææ, et erat Mater Jesu ibi: \* Vocatus est autem et Jesus, et discipuli ejus ad nuptias.**

**℟. Accessérunt ad convívium, sed et cum timóre Dómini nuptiárum convívium exercébant. \* Vocátus est autem et Jesus, et discípuli ejus ad núptias.**

℟. i., Initii Signorum D. N. J. C. in Cana Galilææ, Qædam officia novissima pro locis Terræ Sanctæ, Brev. Rom.-Seraph.

**12. ℟. Deficiente vino, dicit Mater Jesu ad eum: \* Vinum non habent.**

**℟. Inclína, Deus meus, aurem tuam, et audi: áperi óculos tuos, et vide. \* Vinum non habent.**

℟. ii., Initii Signorum D. N. J. C. in Cana Galilææ, Qædam officia novissima pro locis Terræ Sanctæ, Brev. Rom.-Seraph.

**13. ℟. Dicit Matri Jesus: Quid mihi et tibi est, múlter? \* Nondum venit hora mea.**

**℟. Atténde Dómine, et fac: ne moréris propter temetípsum, Deus meus. \* Nondum venit hora mea.**

℟. iii., Initii Signorum D. N. J. C. in Cana Galilææ, Qædam officia novissima pro locis Terræ Sanctæ, Brev. Rom.-Seraph.

**14. ℟. Dicit Mater Jesu minístris: \* Quodcúmque dixerit vobis, fácite.**

**℟. Quia omne, quod volúerit, fáciet: et sermo illius potestáte plenus est. \* Quodcúmque dixerit vobis, fácite.**

℟. iv., Initii Signorum D. N. J. C. in Cana Galilææ, Qædam officia novissima pro locis Terræ Sanctæ, Brev. Rom.-Seraph.

**15. ℟. Dicit minístris Jesus: \* Impléte hýdrias aqua, hauríte, et ferte architriclino.**

**℟. Verbum meum, quod egrediétur de ore meo, non revertétur ad me vácuum, sed fáciet quæcúmque volui. \* Impléte hýdrias aqua, hauríte, et ferte architriclino.**

℟. v., Initii Signorum D. N. J. C. in Cana Galilææ, Qædam officia novissima pro locis Terræ Sanctæ, Brev. Rom.-Seraph.



**16. R.** Gustávit architriclínus aquam vinum factam, et non sciébat unde esset; \* Mínistri autem sciébant qui háuserant aquam.

**V.** Magnália honóris ejus vidit óculus illórum, et honórem vocis audiérunt aures illórum. \* Mínistri autem sciébant qui háuserant aquam.

R. vi., Initii Signorum D. N. J. C. in Cana Galilææ, Qædam officia novissima pro locis Terræ Sanctæ, Brev. Rom.-Seraph.

**17. R.** Vocat sponsum architriclínus, et dicit ei: \* Omnis homo primum bonum vinum ponit, et cum inebriáti fúerint, tunc id quod detérius est: tu autem servásti bonum vinum usque adhuc.

**V.** Ego Dóminus Deus eórum, et exáudiam eos: et lætábitur cor eórum quasi a vino, et exultábit cor eórum in Dómino. \* Omnis homo primum bonum vinum ponit, et cum inebriáti fúerint, tunc id quod detérius est: tu autem servásti bonum vinum usque adhuc.

R. vii., Initii Signorum D. N. J. C. in Cana Galilææ, Qædam officia novissima pro locis Terræ Sanctæ, Brev. Rom.-Seraph. (immutata)

**18. R.** Hoc fecit inítium signórum Jesus in Cana Galilææ, et manifestávit glóriam suam, \* Et credidérunt in eum discipuli ejus.

**V.** Narrántes laudes Dómini, et virtútes ejus, et mirábilia ejus, quæ fecit. \* Et credidérunt in eum discipuli ejus.

R. viii., Initii Signorum D. N. J. C. in Cana Galilææ, Qædam officia novissima pro locis Terræ Sanctæ, Brev. Rom.-Seraph.

**19. R.** Quis investigábit magnália Dei? \* Virtútem autem magnitúdinis ejus

**quis enuntiábit? Aut quis adjíciet enarráre misericórdiam ejus?**

**℣. Magnus est, et non habet finem; excélsus et imménsus. \* Virtútem autem magnitúdinis ejus quis enuntiábit? Aut quis adjíciet enarráre misericórdiam ejus?**


℣. v., Dom. V post Epiph., Brev. Congr. S. Mauri

**20. ℣. Cantáte Dómino quóniam magnífice fecit: \* Annuntiáte hoc in univér-  
sa terra.**

**℣. Confitémini Dómino et invocáte nomen ejus: notas fácite in pópulis ad-  
inventiões ejus: mementóte quóniam excélsum est nomen ejus. \* Annuntiáte hoc in univér-  
sa terra.**

℣. iv., Insignis Miraculi SS. Sacramentum, Off. Pr. pro Ecclesis Savonensi et Naulensi, Brev. Rom.

**TERTIUM MYSTERIUM LUMINOSUM**  
**CHRISTUS PRÆDICAT**  
**SANCTUM EVANGELIUM SUUM**



**21. ✠ Spíritus Dómini super me, propter quod unxit me; \* Evangelizáre paupéribus misit me, sanáre contrítos corde, et prædicáre annum Dómini accéptum et diem retributiónis.**

**℟̃. Hódie impléta est prophetía hæc in áuribus vestris, dixit Dóminus Jesus. \* Evangelizáre paupéribus misit me, san- áre contrítos corde, et prædicáre an- num Dómini accéptum et diem retribu- tiónis.**

℟̃ viii., Solemnitas Domini Jesu, Off. Pr, Congregationis Oratorii Domini Jesu et Mariæ Immaculatæ, Brev. Rom.

**22. ℟̃. Prophétam suscitábo eis, et ponam verba mea in ore ejus; \* Loquetúrque ad eos ómnia quæ præcépero il- li.**

**℟̃. Mittam Fílium meum diléctum. Hic est vere Prophéta qui ventúrus est in mundum. \* Loquetúrque ad eos óm- nia quæ præcépero illi.**

℟̃ vii., Dom. II Adv., Brev. Congr. S. Mauri

**23. ℟̃. Locútus est Jesus: Ego sum lux mundi: \* Qui séquitur me, non ámbulat in ténebris, sed habébit lumen vitæ.**

**℟̃. In me grátia omnis viæ et veritátis: in me omnis spes vitæ et virtútis. \* Qui séquitur me, non ámbulat in ténebris, sed habébit lumen vitæ.**

℟̃ iii., Sabbato Hebd. IV Quadr., Brev. Paris.

**24. ℟̃. Mirabántur in verbis grátiae, quæ procedébant de ore Jesu, et dicébant: \* Nonne hic est filius Joseph? Cu- jus nos nóvimus patrem et matrem.**

**℟̃. Quómodo ergo dicit hic, quia de cælo descéndi? \* Nonne hic est filius Joseph? Cujus nos nóvimus patrem et matrem.**

℟̃ ix., Commemoratio sollemnis S. Joseph Sponsi B. M. V., Brev. O. Præm.

**25. ℟̃. Locútus est Jesus in parábolis**

ad turbas, ut impleretur quod dictum est prophétam: \* Eructábo abscóndita a constitutióne mundi.

✠. Apériam in parábolis os meum; loquar propositiões ab iníto: \* Eructábo abscóndita a constitutióne mundi.

✠ vii., Dom. VI post Epiphaniam, Brev. Paris.

**26. ✠. Ego pascam oves meas: \* Quod perierat, requíram; et quod abjéctum erat, redúcám; et quod infirmum fúerat, consolidábo.**

✠. Venit Fílius hóminis quærere, et saluum fácere quod perierat. \* Quod perierat, requíram; et quod abjéctum erat, redúcám; et quod infirmum fúerat, consolidábo.

✠ ix., Dom. III post Pent., Brev. Paris.

**27. ✠. Tribulárer, si nescírem misericórdias tuas, Dómine: tu dixísti, Nolo mortem peccatóris, sed ut magis convertátur et vivat: \* Qui Chananéam et publicánum vocásti ad pœniténtiam.**

✠. Secúndum multitudínem dolórum meórum in corde meo, consolatiões tuæ lætificavérunt ánimam meam. \* Qui Chananéam et publicánum vocásti ad pœniténtiam.

✠ i., Feria V infra Hebd. I Quadr., Brev. Rom.

**28. ✠. Dixit Marthæ Jesus: Ego sum resurréctio et vita. Credis hoc? Ait illi: Utique, Dómine, ego crédidi, quia \* Tu es Christus Fílius Dei vivi, qui in hunc mundum venísti.**

✠. Tu es, Dómine, qui vitæ et mortis habes potestátem, et dedúcis ad portas

**mortis, et redúcis. \* Tu es Christus Fílius Dei vivi, qui in hunc mundum venísti.**

℟ vi., Ss. Lazari, Marthæ et Mariæ, Brev. Paris.

**29. ℟ Sublevátis óculis in cœlum Jesus, dixit: \* Pater, hæc est vita ætérna, ut cognóscant te solum Deum verum, et quem missísti Jesum Christum.**

**℣. Nosse te, Deus, consummáta justítia est: et scire justítiam et virtútem tuam, radix est immortalitátis. \* Pater, hæc est vita ætérna, ut cognóscant te solum Deum verum, et quem missísti Jesum Christum.**


℟ v., Dominica Trinitatis, Brev. Paris.

**30. ℟ Ego quasi nutritius Ephraim, portábam eos in bráchiis meis; et nesciérunt quod curárem eos: \* In funículis Adam traham eos, in vínculis caritátis.**

**℣. Nemo potest veníre ad me, nisi Pater qui misit me tráxerit eum: omnis qui audívit a Patre, et dídidit, venit ad me. \* In funículis Adam traham eos, in vínculis caritátis.**

℟ i., Dominica III Adventus, Brev. Paris.

**QUARTUM MYSTERIUM LUMINOSUM**  
**TRANSFIGURATIO CHRISTI**  
**IN MONTE THABOR**



**31. ✠ Assúmens Jesus Petrum, et Jacóbum, et Joánnem fratrem ejus, \* In montem excélsum ascéndit: ibíque se transfigúrans, suæ glóriæ claritátem eis osténdit.**

**℣.** Ne vidéntes ejus passióem turbaréntur, sed fortióri soliditáte firmaréntur. **\*** In montem excélsum ascéndit: ibíque se transfigúrans, suæ glóriæ claritátem eis osténdit.

℞ ix., In Transfiguratione D. N. J. C., Brev. O. Carm.

**32. ℞.** Assúptis hódie Dóminus Jesus tribus discípulis, montem ut oráret súbiit excélsum solus, et orans coram eis transfigurátus est, faciésque ejus ut sol resplénduit: **\*** Ac vestiménta ejus ut nix facta sunt cándida.

**℣.** Ut autem testimónium habéret a Lege et Prophétis, hinc inde Móyses et Elías visi sunt in majestáte: **\*** Ac vestiménta ejus ut nix facta sunt cándida.

℞ viii., In Transfiguratione D. N. J. C., Brev. Cist.

**33. ℞.** Dum orásset Dóminus, facta est species vultus ejus áltera, et vestítus ejus albus ac refúlgens: **\*** Et duo viri loquebántur cum illo, Móyses et Elías, visi in majestáte.

**℣.** Dicébant autem excéssum ejus, quem completúrus erat in Jerusálem. **\*** Et duo viri loquebántur cum illo, Móyses et Elías, visi in majestáte.

℞ xii., In Transfiguratione D. N. J. C., Brev. Mon.

**34. ℞.** Ecce vir stetit in veste cándida, lucens in virtúte sua, dignus accípere glóriam, et honórem, et virtútem: **\*** Et súbito lux de cœlo copiósá circumfúlsit discípulos.

**℣.** Edúxit ad dextram Móysen, et Elíam bráchio majestátis suæ, loquéntes excéssum ejus in Jerúsalem. **\*** Et súbi-



**to lux de cœlo copiósa circumfúlsit discíulos.**

℞ ix., In Transfiguratione D. N. J. C., Brev. O. Præm.

**35. ℞. Præcéptor, bonum est nos hic esse: \* Faciámus hic tria tabernácula, tibi unum, Móysi unum et Eliæ unum.**

**℣. Non enim sciébat quid diceret. \* Faciámus hic tria tabernácula, tibi unum, Móysi unum et Eliæ unum.**

℞ v., In Transfiguratione D. N. J. C., Brev. Rom.

**36. ℞. In splendénti nube Spíritus Sanctus visus est, Patérna vox audíta est: \* Hic est Fílius meus diléctus, in quo mihi bene complácul; ipsum audíte.**

**℣. Appáruit nubes obúmbrans, et vox Patris intónuit. \* Hic est Fílius meus diléctus, in quo mihi bene complácul; ipsum audíte.**

℞ ii., In Transfiguratione D. N. J. C., Brev. Rom.

**37. ℞. Dum fieret vox, invéntus est Jesus solus: \* Et audiéntes discípli, cecidérunt in fáciem suam, et timué-runt valde: dixítque eis Jesus: Súrgite, et nolíte timére.**

**℣. Deus majestátis intónuit: vox Dómini in virtúte, vox Dómini in magnificéntia. \* Et audiéntes discípli, cecidérunt in fáciem suam, et timué-runt valde: dixítque eis Jesus: Súrgite, et nolíte timére.**

℞ viii., In Transfiguratione Domini, Brev. Paris.

**38. ℞. Descendéntibus illis de monte, præcépit Jesus, dicens: Némini dixé-ritis visiónem, quam vidístis: \* Donec Fílius hóminis a mórtuis resúrgat.**

**℣.** Ne mors ejus áliquo modo impedi-  
rétur, si hæc visio in pópulo statim di-  
vulgarétur. \* Donec Fílius hóminis a  
mórtuis resúrgat.

℞ xi., In Transfiguratione D. N. J. C., Brev. Cist.

**39. ℞.** Deus qui dixit de ténebris lu-  
cem splendéscere, \* Ipse illúxit in córd-  
ibus nostris, ad illuminatióem scién-  
tiæ claritátis Dei in fácie Christi Jesu.

**℣.** Ecce osténdit nobis Dóminus Deus  
noster majestátem et magnitúdinem  
suam: vocem ejus audívimus. \* Ipse il-  
lúxit in córdibus nostris, ad illumina-  
tióem sciéntiæ claritátis Dei in fácie  
Christi Jesu.

℞ ix., In Transfiguratione Domini, Brev. Paris.

**40. ℞.** Si ministrátio mortis, lítteris  
deformáta in lapídibus, fuit in glória,  
ita ut non possent inténdere fílii Israël  
in fáciem Móysi propter glóriam vultus  
ejus, quæ evacuátur; \* Multo magis mi-  
nistrátio spíritus, quæ manet, erit in  
glória.

**℣.** Ampliórís enim glóriæ Christus  
præ Móyse dignus est habitus, quanto  
ampliórem honórem habet domo, qui  
fabricávit eam. \* Multo magis ministrá-  
tio spíritus, quæ manet, erit in glória.

℞ vi., In Transfiguratione D. N. J. C., Brev. Rom.

**QUINTUM MYSTERIUM LUMINOSUM**  
**CHRISTUS INSTITUIT**  
**SACRATISSIMUM SACRAMENTUM ALTARIS**



**41. ✠ Memóriam fecit mirabílium su-  
órum, miséricors et miserátor Dómi-  
nus: \* Escam dedit timéntibus se: me-  
mor erit in sâculum testaménti sui.**

**✠. Jesus cum dilexisset suos, qui er-**

**ant in mundo, in finem diléxit eos. \* Escam dedit timéntibus se: memor erit in sæculum testaménti sui.**

℞ ad I Vesp., In Festo SS. Corporis Christi, Brev. Paris.

**42. ℞ Transitúrus de mundo ad Patrem Jesus, in mortis suæ memóriam \* Instituit sui córporis et sánguinis Sacraméntum.**

**℣. Corpus in cibum, sánguinem in potum tríbuens: Hoc, ait, fácite in meam commemoratióem. \* Instituit sui córporis et sánguinis Sacraméntum.**

℞ xii., In Festo SS. Corporis Christi, Brev. Mon.

**43. ℞ Coenántibus illis, accépit Jesus panem, et benedíxit, ac fregit, deditque discípulis suis, et ait: \* Accípite et comédite: hoc est corpus meum.**

**℣. Dixérunt viri tabernáculi mei: Quis det de cárnibus ejus, ut saturémur? \* Accípite et comédite: hoc est corpus meum.**

℞ iv., In Festo SS. Corporis Christi, Brev. Rom.

**44. ℞ Accépit Jesus cálicem, postquam coenávit, dicens: Hic calix novum testaméntum est in meo sanguine: \* Hoc fácite in meam commemoratióem.**

**℣. Memória memor ero, et tabéscet in me ánima mea. \* Hoc fácite in meam commemoratióem.**

℞ v., In Festo SS. Corporis Christi, Brev. Rom.

**45. ℞ Qui mandúcat meam carnem et bibit meum sánguinem, \* In me manet, et ego in eo.**

**℣. Non est ália nátio tam grandis, quæ hábeat deos appropinquánte sibi, sic-**

**ut Deus noster adest nobis. \* In me manet, et ego in eo.**

℞ vii., In Festo SS. Corporis Christi, Brev. Rom.

**46. ℞. Ego sum panis vitæ; patres vestri manducavérunt manna in deséro, et mórtui sunt: \* Hic est panis de cœlo descéndens, ut, si quis ex ipso mandúcet, non moriátur.**

**℣. Ego sum panis vivus, qui de cœlo descéendi: si quis manducáverit ex hoc pane, vivet in ætérnum. \* Hic est panis de cœlo descéndens, ut, si quis ex ipso mandúcet, non moriátur.**

℞ vi., In Festo SS. Corporis Christi, Brev. Rom.

**47. ℞. Angelórum esca nutris pópulum tuum, Dómine, panem de cœlo dans nobis omne delectaméntum in se habéntem: \* Substántiam, et dulcédinem tuam quam habes in filios ostendéndo.**

**℣. Dómine, qui das vitam mundo, semper da nobis panem verum. \* Substántiam, et dulcédinem tuam quam habes in filios ostendéndo.**

℞ x., In Festo Corporis Christi, Brev. Cist.

**48. ℞. Melchísesech Rex Salem, Sacerdos Dei altíssimi, próferens panem et vinum, præfigurávit Córporis Christi \* Sanctum sacrificium, immaculátam hóstiam.**

**℣. Introívit Jesus pro nobis secúndum órđinem Melchísesech, semel offeréndo seípsum: \* Sanctum sacrificium, immaculátam hóstiam.**

℞ iii., In Festo Corporis Christi, Brev. Cist.

**49. ℞. Vidit Regína Saba sapiéntiam Salomónis, domum quam ædificáverat,**

**cibos mensæ ejus, officia ministrorum, et vestiménta eorum: \* Et admirans, dixit: Beáti servi tui, qui áudiunt sapiéntiam tuam.**

**℣. Regína Austri venit a finibus terræ audire sapiéntiam Salomónis: \* Et admirans, dixit: Beáti servi tui, qui áudiunt sapiéntiam tuam.**


℞ xi., In Festo Corporis Christi, Brev. Cist.

**50. ℞. Gaudeámus et exultémus, et demus glóriam Deo, quia venérunt nuptiæ Agni, et uxor ejus præparávit se. \* Beáti qui ad cœnam nuptiárum ejus vocáti sunt.**

**℣. Assuérus pro conjunctióne, et nuptiis Hester permagníficum convívium præparávit. \* Beáti qui ad cœnam nuptiárum ejus vocáti sunt.**

℞ xii., In Festo Corporis Christi, Brev. Cist.

**FERIA VI**







**PRIMUM MYSTERIUM DOLOROSUM**  
**ORATIO ET AGONIA CHRISTI IN HORTO**



**1. ✠ Post hebdomades sexaginta duas**  
**\* Occidétur Christus; et in médio heb-**  
**dómadis deficiet hóstia et sacrificium.**

**✠ Fílius hóminis tradétur Principibus**  
**Sacerdótum, et condemnábunt eum**  
**morte. \* Occidétur Christus; et in mé-**

**dio hebdomadis deficiet hóstia et sacrificium.**

℟ i., Dominica Palmarum, Brev. Paris.

**2. ℞. Intrávit Sátanas in Judam, et locútus est cum Principibus Sacerdotum, quemádmódum Jesum tráderet eis; et \* Pacti sunt pecúniam illi dare, et spópóndit.**

℣. Sedet peccátor in insídiis cum divítibus in occúltis, ut interficiat innocéntem. \* Pacti sunt pecúniam illi dare, et spópóndit.

℟ ii., Feria IV in majoris Hebd., Brev. Paris.

**3. ℞. Appendérunt mercédem meam trigínta argénteos, \* Decórum prétium, quo appretiátus sum ab eis.**

℣. Ait Judas: Quid vultis mihi dare, et ego vobis eum tradam? At illi constituerunt trigínta argénteos, \* Decórum prétium, quo appretiátus sum ab eis.

℟ iii., Feria IV in majoris Hebd., Brev. Paris.

**4. ℞. Fílius hóminis vadit, sicut scriptum est de illo; væ autem hómini illi per quem Fílius hóminis tradétur: \* Bonum erat ei, si natus non fuísset homo ille.**

℣. Diléxit maledictiónem, et véniet ei; et nóluit benedictiónem, et elongábitur ab eo. \* Bonum erat ei, si natus non fuísset homo ille.

℟ iv., Feria V in Cœna Domini, Brev. Congr. S. Mauri

**5. ℞. Contristátus sum in exercitatióne mea et conturbátus sum: quóniam declinavérunt in me iniquitátes, et in ira molésti erant mihi. \* Cor meum conturbátum est in me, et formído mortis**

**cécidit super me.**

**℣. Pater mi, si pòssibile est, tránseat a me calix iste. \* Cor meum conturbátum est in me, et formído mortis cécidit super me.**

℞ v., Feria V in Cœna Domini, Brev. Congr. S. Mauri

**6. ℞. Réspice inimícos meos, quóniam multiplicáti sunt, et ódio iníquo odérunt me. \* Custódi, Dómine, ánimam meam, et érué me.**

**℣. Odérunt et me et Patrem meum, ut adimpleátur sermo qui in lege eórum scriptus est; Quia ódio habuérunt me gratis. \* Custódi, Dómine, ánimam meam, et érué me.**

℞ iv., Dominica Passionis, Brev. Paris.

**7. ℞. Anima mea in angústiiis, et spíritus ánxius clamat ad te: \* Audi Dómine et miserére: quia Deus es miséricors.**

**℣. Dómine ante te est omne desidérium meum; et gémitus meus a te non est absconditus. \* Audi Dómine et miserére: quia Deus es miséricors.**

℞ xii., De Oratione D. N. J. C., Officia Proprium Sanctorum, Brev. Mon.

**8. ℞. Dómine, ne elongáveris auxílium tuum a me: \* Ad defensiónem meam cónspice.**

**℣. Nunc ánimá mea turbáta est. Et quid dicam? Pater, salvífica me ex hac hora: \* Ad defensiónem meam cónspice.**

℞ vi., Dominica Passionis, Brev. Paris.

**9. ℞. Impropérium exspectávit cor meum, et misériam; et \* Sustínui qui simul contristarétur, et non fuit; et qui consolarétur, et non invéni.**

**℣. Jesus venit ad discipulos suos et invénit eos dormiéntes et dicit Petro: Sic non putuístis una hora vigiláre mecum: \* Sustínui qui simul contristarétur, et non fuit; et qui consolarétur, et non invéni.**


℞ vi., Feria V in Cœna Domini, Brev. Congr. S. Mauri

**10. ℞. Deus meus es tu: \* Ne discésse-  
ris a me, quóniam tribulátio próxíma  
est; quóniam non est qui ádjuvet.**

**℣. Venit hora: Ecce Fílius hóminis  
tradétur in manus peccatórum. \* Ne di-  
scésseris a me, quóniam tribulátio pró-  
xima est; quóniam non est qui ádjuvet.**

℞ v., Dominica Passionis, Brev. Paris.

**SECUNDUM MYSTERIUM DOLOROSUM**  
**FLAGELLATIO CRUELIS**



**11. ✠** Dixérunt ímpii apud se, non recte cogitánte: Circumveniámus justum, quóniam contrárius est opéribus nostris: promíttit se sciéntiam Dei habére, Fílium Dei se nóminat, et gloriátur patrem se habére Deum: \* Videámus si

**sermões illius veri sunt: et si est vere Fílius Dei, liberet eum de mánibus nostris: morte turpíssima condemnémus eum.**

**℣. Tamquam nugáces æstimáti sumus ab illo, et ábstinet se a viis nostris tamquam ab immundítiis: et præfert novíssima justórum. \* Videámus si sermões illius veri sunt: et si est vere Fílius Dei, liberet eum de mánibus nostris: morte turpíssima condemnémus eum.**

℞ viii., Dominica in Palmis, Brev. Rom.

**12. ℞. Quærébant advérsus Jesum testimónium, ut eum morti tráderent, nec inveniébant: \* Multi enim testimónium falsum dicébant; et conveniéntia testimónia non erant.**

**℣. Surgéntes testes iníqui, quæ ignorábam interrogábant me. \* Multi enim testimónium falsum dicébant; et conveniéntia testimónia non erant.**

℞ i., Feria VI in Parasceve, Brev. Paris.

**13. ℞. Princeps Sacerdótum ait: Adjúro te per Deum vivum, ut dicas nobis si tu es Christus Fílius Dei. Dicit illi Jesus: Tu dixísti. At illi dixérunt: \* Reus est mortis.**

**℣. Locúti sunt sacerdótes: Judícium mortis est viro huic, quia prophetávit sicut audístis áuribus vestris. \* Reus est mortis.**

℞ ii., Feria VI in Parasceve, Brev. Paris.

**14. ℞. Expuérun in fáciem Jesu, \* Et cólaphis cecidérunt, dicéntes: Prophe-tíza nobis, Christe, quis est qui te per-**

**cússit?**

**℟.** Aperuérunt super me ora sua, et exprobrántes percussérunt maxíllam meam, \* Et cólaphis cecidérunt, dicéntes: Prophetíza nobis, Christe, quis est qui te percússit?

℟. iii., Feria VI in Parasceve, Brev. Paris.

**15. ℟.** Fílius hómínis tradétur Príncípi-bus sacerdótum, et damnábunt eum morte, et tradent eum géntibus: \* Illúdent ei, et cónspuent eum, et flagellábunt eum, et interficient eum.

**℟.** Sicut ovis ad occisiónem ducétur, et non apériet os suum. \* Illúdent ei, et cónspuent eum, et flagellábunt eum, et interficient eum.

℟. iii., Dominica Passionis, Brev. Paris.

**16. ℟.** Ego edúxi te de Ægýpto, demérso Pharaóne in mare Rubrum, et ante te præívi in colúmna nubis: \* Et tu me tradidísti Príncípi-bus sacerdótum, et me duxísti ad Prætórium Piláti.

**℟.** Pópule meus, quid feci tibi, aut in quo contristávi te? respónde mihi. \* Et tu me tradidísti Príncípi-bus sacerdótum, et me duxísti ad Prætórium Piláti.

℟. ii., Officium votivum de Passione D. N. J. C., Brev. Mon.

**17. ℟.** Dóminus Deus apéruit mihi aurem, ego autem non contradíco: \* Retrórsum non ábii; corpus meum dedi percutiéntibus.

**℟.** Baptísimo hábeo baptizári; et quómo coárctor usque dum perficiátur? \* Retrórsum non ábii; corpus meum dedi percutiéntibus.

℟. ii., In Festo quinque Plagarum Christi, Brev. Paris.

**18. R.** In conspéctu tuo, Dómine, sunt omnes qui tríbulant me: \* Et sustínui qui simul contristarétur, et non fuit; quóniam quem tu percussísti, persecúti sunt, et super dolórem vúlnerum meórum addidérunt.

**V.** Christus non sibi plácuit, sed, sicut scriptum est, ait: Impropería impropérantium tibi cecidérunt super me: \* Et sustínui qui simul contristarétur, et non fuit; quóniam quem tu percussísti, persecúti sunt, et super dolórem vúlnerum meórum addidérunt.

R. i., In Festo quinque Plagarum Christi, Brev. Paris.

**19. R.** Ego propter te flagellávi Ægýptum cum primogénitis suis; \* Et tu me flagellátum tradidísti, qui tamquam Agnus, coram tondénte se, obmútui, et non apérui os meum.

**V.** Pópule meus, quid feci tibi, aut in quo contristávi te? respónde mihi. \* Et tu me flagellátum tradidísti, qui tamquam Agnus, coram tondénte se, obmútui, et non apérui os meum.

R. iii., Officium votivum de Passione D. N. J. C., Brev. Mon.


**20. R.** Sic Deus diléxit mundum, ut Fílium suum unigénitum daret: \* Ut omnis qui credit in ipsum non péreat, sed hábeat vitam ætérrnam.

**V.** Hunc propósuit Deus propitiatió-nem per fidem in ságuine ipsíus: \* Ut omnis qui credit in ipsum non péreat, sed hábeat vitam ætérrnam.

R. viii., Dominica Passionis, Brev. Congr. S. Mauri



**TERTIUM MYSTERIUM DOLOROSUM**  
**CORONATIO ACERBISSIMA SPINARUM**



**21. ✠ Regnum meum non est de hoc mundo: \* Si ex hoc mundo esset regnum meum, ministri mei decertarent útique, ut non tráderer Judæis; nunc autem regnum meum non est hinc.**

**✠ Salvábo eos in Dómino Deo suo, et**

**non salvábo eos in arcu, et gládio, et in bello. \* Si ex hoc mundo esset regnum meum, ministri mei decertarent útiquē, ut non tráderer Judæis; nunc autem regnum meum non est hinc.**

℟ i., In Festo Susceptionis S. Coronæ Spineæ, Brev. Paris.

**22. ℞. Tu dicis quia rex sum ego: \* Ego in hoc natus sum, et ad hoc veni in mundum, ut testimónium perhíbeam veritáti; omnis qui est ex veritáte, audit vocem meam.**

**℣. Ego constitútus sum rex a Deo super Sion montem sanctum ejus, prædicans præcéptum ejus: \* Ego in hoc natus sum, et ad hoc veni in mundum, ut testimónium perhíbeam veritáti; omnis qui est ex veritáte, audit vocem meam.**

℟ ii., In Festo Susceptionis S. Coronæ Spineæ, Brev. Paris.

**23. ℞. Exívit Pilátus ad Judæos, et ait: Nihil invénio causæ in hoc hómine; \* Et cum accusarétur a princípibus sacerdotum et senióribus in multis, nihil respóndit.**

**℣. Oblátus est quia ipse vóluit, et non apérui os suum; \* Et cum accusarétur a princípibus sacerdotum et senióribus in multis, nihil respóndit.**

℟ iii., In Festo Susceptionis S. Coronæ Spineæ, Brev. Paris.

**24. ℞. Mílites plecténtes corónam de spinis, Jesu cápiti imposuérunt, \* Illúdque arúndine percussérunt.**

**℣. Tum flexo póplite salutárunt eum illudéntes et dicéntes: Ave, rex Judæórum. \* Illúdque arúndine percussérunt.**

℟ vii., Susceptionis S. Spinæ e Corona Christi Domini, Officia

propria diœcesis Aniciensis, Brev. Rom.

**25. R. Addûxit Pilátus foras Jesum, et sedit pro tribunáli, et dixit eis: \* Ecce Rex vester.**

**V. Egredimini et vidéte regem in diadémate, quo coronávit illum mater sua. \* Ecce Rex vester.**

R. vii., In Festo Susceptionis S. Coronæ Spineæ, Brev. Paris.

**26. R. Egredimini, filiæ Jerúsalem, et vidéte vérticem regis, \* Et fratris vestri coróna scírpea aculeáta amáre cruentátum.**

**V. Plángite, et flete super vos, et super filios vestros. \* Et fratris vestri coróna scírpea aculeáta amáre cruentátum.**

R. iii., Ss. Coronæ Spineæ D. N. J. C., Proprium Sanctorum Mexicanorum, Brev. Rom.

**27. R. Spina carens flos, spina púngitur, per quam culpæ spina confríngitur: \* Spina mortis spinis retúnditur, dum vita móritur, allelúja.**

**V. Per hoc ludíbrium hostis delúditur: mortis domínium per mortem tóllitur. \* Spina mortis spinis retúnditur, dum vita móritur, allelúja.**

R. i., In Festo Coronæ Domini, Brev. O. Præd.

**28. R. Vestítus erat veste aspérsa sanguíne, et vocátur nomen ejus Verbum Dei: \* Et habet in vestiménto et in fémore suo scriptum: Rex regum, et Dóminus dominántium.**

**V. In cápite ejus diadémata multa. \* Et habet in vestiménto et in fémore suo scriptum: Rex regum, et Dóminus dominántium.**

R. vii., Susceptio S. Coronæ Spineæ, Officia propria ad usum Ecclesiæ Nanceiensis, Brev. Rom.

**29. R.** Appáruit Móysi Dóminus de medio rubi, et dixit Móyses: \* Vadam, et vidébo visiónem hanc magnam.

**V.** O stupéndum magis miráculum! Christus cíngitur rubi acúleis et púngitur! \* Vadam, et vidébo visiónem hanc magnam.

R. ii., Susceptio S. Coronæ Spineæ, Officia propria ad usum Ecclesiæ Nanceiensis, Brev. Rom.

**30. R.** Levávit Abraham óculos suos: vidítque post tergum arietem inter vepres hæréntem: \* Víctimam holocáusti.

**V.** Adumbrábat áries, qui tenebátur in vepres, Christum Jesum spinis coronátum. \* Víctimam holocáusti.

R. i., Susceptio S. Coronæ Spineæ, Officia propria ad usum Ecclesiæ Nanceiensis, Brev. Rom.

**QUARTUM MYSTERIUM DOLOROSUM**  
**BAJULATIO CRUCIS AD CALVARIUM MONTEM**



**31. ✠ Quem vultis dimittam vobis: Barábbam; an Jesum? Dixerunt: Barábbam. Quid igitur faciam de Jesu? Dicunt omnes: \* Crucifigatur.**

**✠. Dixérunt: Rogámus ut occidátur homo iste; síquidem non quærit pacem**

**pópulo, sed malum. \* Crucifigátur.**

℟. v., Feria VI in Parasceve, Brev. Paris.

**32. ℟. Suscepérunt Jesum, et eduxérunt. \* Et bájulans sibi crucem exívit Jesus in eum qui dícitur Calváriæ locum.**

℣. Tulit Abraham ligna holocáusti, et impósuit super Isaac filium suum: \* Et bájulans sibi crucem exívit Jesus in eum qui dícitur Calváriæ locum.

℟. vii., Feria VI in Parasceve, Brev. Paris.

**33. ℟. Adéste, filiæ Sion, vidéte Regem vestrum spíneam gestántem corónam, \* Et cruce onústum.**

℣. Quid tibi fecit, pópule nequam, ille qui gestat spíneam corónam? \* Et cruce onústum.

℟. viii., Susceptionis S. Spinæ e Corona Christi Domini, Officia pr. diócesis Aniciensis, Brev. Rom.

**34. ℟. Quórum animálium infértur sanguis pro peccáto in Sancta, horum córpora cremántur extra castra. \* Propter quod et Jesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium ejus portántes.**

℣. Præcépit Móysi Dóminus dicens: Quorum sanguis illátus est in sanctuárium ut expiátio complerétur, adsporbunt foras castra, et combúrent igni: \* Propter quod et Jesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium ejus portántes.

℟. ix., Feria VI in Parasceve, Brev. Congr. S. Mauri

**35. R.** Aspiciámus in autórem fidei, et consummatórem Jesum, \* Qui propósi-  
to sibi gáudio, sustínuit crucem, confu-  
sióne contémpta.

**V.** Omnes nos quasi oves errávimus,  
unusquisque in viam suam declinávit:  
et pósuit Dóminus in eo iniquitátem  
ómnium nostrum; \* Qui propósi-  
to sibi gáudio, sustínuit crucem, confusióne  
contémpta.

R. ad I Vesp., In Festo quinque Plagarum Christi, Brev. Paris.

**36. R.** Christo bajulánte crucem mulí-  
eres sequebántur flentes, ad quas con-  
vérsus ait: \* Nolite flere super me; sed  
flete super vos, et super filios vestros.

**V.** Beátæ stériles, quæ non lactavé-  
runt \* Nolite flere super me; sed flete  
super vos, et super filios vestros.

R. viii., Septem Dolorum B. M. V., Brev. O. Præd.

**37. R.** Dedúcant óculi mei lácrymam  
per noctem et diem, et non táceant; \*  
Quóniam contritióne magna contríta  
est virgo filia pópuli mei, plaga péssima  
veheménter.

**V.** Si in víridi ligno hæc faciunt, in ár-  
ido quid fiet? \* Quóniam contritióne  
magna contríta est virgo filia pópuli  
mei, plaga péssima veheménter.

R. iii., In Compassione Beatæ Mariæ, Brev. Paris.

**38. R.** Sequebátur Jesum turba mulí-  
erum quæ plangébant, et lamentabán-  
tur eum. Et postquam venérunt in loc-  
um Calváriæ, crucifixérunt eum. \* Sta-  
bat autem juxta crucem Jesu Mater e-  
jus.

**℣. Sedérunt in terra, conspersérunt cínere cápita sua, abjecérunt in terram cápita sua vírgines Jerúsalem. \* Stabat autem juxta crucem Jesu Mater ejus.**

℞ v., In Compassione Beatæ Mariæ, Brev. Paris.

**39. ℞. Dóleo super te, fili mi Jesu, decórus nimis, et amábilis super amórem mulierum! \* Sicut enim mater únicum díligit filium, ita ego te diligébam.**

**℣. Defécit in dolóre vita mea, et anni mei in gemítibus. \* Sicut enim mater únicum díligit filium, ita ego te diligébam.**

℞ vii., Septem Dolorum B. M. V., Brev. Rom.


**40. ℞. Quis æstimáre potest quanta tristítia, mœróre et dolóre vulnerátum fúerit cor matérnum, super únici Fílii passióne? \* Quæ tam caste concépit, tam lætánter péperit, tam dúlciter áluit.**

**℣. Vidit eum ligátum, et sólvare non pótuit: vidit corpus vulnerátum, et vúlnera ligáre non pótuit. \* Quæ tam caste concépit, tam lætánter péperit, tam dúlciter áluit.**

℞ vii., Officium B. M. V. in Sabbato, a Septuagesima usque ad Pascha, Brev. O. Carm.



**QUINTUM MYSTERIUM DOLOROSUM**  
**CRUCIFIXIO ET MORS IN LIGNO CRUCIS**



**41. ✠ Crucifixerunt Jesum, et latrones, unum a dextris, et alterum a sinistris. Jesus autem dicebat: \* Pater, dimitte illis; non enim sciunt quid faciunt.**

**✠ Cum sceleratis reputatus est et ipse peccata multorum tulit, et pro trans-**

**gressóribus rogávit. \* Pater, dimítte illis; non enim sciunt quid fáciunt.**

℞ viii., Feria VI in Parasceve, Brev. Paris.

**42. ℞ Cum Jesu crucifigunt duos latrónes; unus autem blasphemábat eum, et dicébat alter: Dómine, meménto mei, cum véneris in regnum tuum; et dixit illi Jesus: \* Amen dico tibi, Hódie mecum eris in paradíso.**

℣. Penetrábo omnes inferiôres partes terræ, et inspiciam omnes dormiéntes, et illuminábo omnes sperántes in Dómino. \* Amen dico tibi, Hódie mecum eris in paradíso.

℞ viii., In Susceptione S. Coronæ Spineæ, Brev. Paris.

**43. ℞ Abjécto subter unam árborem filio, ábiit Agar, seditque e regiône procul, et dixit: Non vidébo moriéntem púerum, \* Levavítque vocem suam, et flevit.**

℣. Stabat autem juxta Crucem Jesu Mater ejus, et soror matris ejus María Cléophæ, et María Magdalénæ. \* Levavítque vocem suam, et flevit.

℞ i., Septem Dolorum B. M. V., Brev. O. Præd.

**44. ℞ Vidit Jesus Matrem, et discipulum stantem, quem diligébat; \* Et dicit Jesus Matri suæ: Múlier, ecce filius tuus.**

℣. Supra modum Mater mirábilis, bono ánimo ferébat, propter spem quam in Deum habébat, femínæ cogitatióni masculínium ánimum íferens; \* Et dicit Jesus Matri suæ: Múlier, ecce filius tuus.

℞ vi., In Compassione beatæ Mariæ, Brev. Paris.

**45. R.** Föderis, O dulcis Jesu, diris clavis extra: sed aspérius intra, ex compassióne Vírginis Matris, tecum ómnia participántis. \* O mirábilis censúræ condítio! Peccávit iníquus, et vápulat justus.

**V.** Delínquit homo reus, et occíditur pro eo homo Deus. \* O mirábilis censúræ condítio! peccávit iníquus, et vápulat justus.

R. viii., Officium B. M. V. in Sabbato, a Septuagesima usque ad Pascha, Brev. O. Carm.

**46. R.** Ténebræ factæ sunt, dum crucifixissent Jesum Judæi, et circa horam nonam exclamávit Jesus voce magna: Deus meus, ut quid dereliquísti me? \* Et inclináto cápite, emísit spíritum.

**V.** Quis tibi nunc sensus, dum cernis tália, Virgo? \* Et inclináto cápite, emísit spíritum.

R. iv., Septem Dolorum B. M. V., Brev. Rom.

**47. R.** Velum templi scissum est, terra mota est, et petræ scissæ sunt, et monuménta apérta sunt, \* Et multa córpora sanctórum, qui dormíerant, surrexérunt.

**V.** In sánguine testaménti tui emisísti vinctos tuos de lacu. \* Et multa córpora sanctórum, qui dormíerant, surrexérunt.

R. vi., Sabbato sancto, Brev. Congr. S. Mauri

**48. R.** Aspícient ad me quem confixérunt me; et \* Plangent eum planctu quasi super unigénitum, et dolébunt super eum, ut in morte primogéniti.

**℣.** Centúrio, et qui cum eo erant, timuérunt valde, dicéntes: Vere Fílius Dei erat iste. Et percutiéntes péctora sua revertébántur. \* Plangent eum planctu quasi super unigénitum, et dolébunt super eum, ut in morte primogéniti.

℞ i., Sabbato sancto, Brev. Paris.

**49. ℞.** Ecce vox sánguinis Fílii tui, Fratris nostri, de terra clamat ad te, Dómine: \* Benedícta terra, quæ apérui os suum et suscepit sánguinem Redemptóris.

**℣.** Hæc est sánguinis aspérsio mélius loquens quam Abel. \* Benedícta terra, quæ apérui os suum et suscepit sánguinem Redemptóris.

℞ xii., In Festo Pretiosissimi Sanguinis D. N. J. C., Brev. Cist.

**50. ℞.** O dulcíssime Jesu, O benigníssima María Virgo, quid commisístis, quod tantis cruciátibus, tot et tantis afflictiónibus addícti estis? \* Nos sumus qui peccávimus, qui injúste égimus, et tu innocentíssima Virgo, cum único Nato pro nobis dolétis et affligimini.

**℣.** O peccátor, vide quómodo patiúntur et flent pro te Jesus et María. \* Nos sumus qui peccávimus, qui injúste égimus, et tu innocentíssima Virgo, cum único Nato pro nobis dolétis et affligimini.

℞ ix., Officium B. M. V. in Sabbato, a Septuagesima usque ad Pascha, Brev. O. Carm.

## SABBATO





**PRIMUM MYSTERIUM GAUDIOSUM**  
**ANNUNTIATIO BEATÆ MARIÆ VIRGINIS**



**1. ☩. Audíte, domus David: Ecce virgo concípiet et páriet filium; et \* Vocábitur nomen ejus Emmánuel.**

**☩. Habitábit cum homínibus: et ipsi pópulus ejus erunt; et ipse Deus cum eis erit eórum Deus: \* Vocábitur nomen**



**ejus Emmánuel.**

℟. ad I Vesp., In Annuntiatione Domini, Brev. Paris.

**2. ℟. Cum orárem, et prostérnerem preces meas in conspéctu Dei mei, adhuc me loquente in oratione: \* Ecce vir Gábriel cito volans locútus est mihi:**

**℣. Ave grátia plena, Dóminus tecum, benedícta tu in muliéribus. \* Ecce vir Gábriel cito volans locútus est mihi.**

℟. iv., In Annuntiatione et Incarnatione Domini, Brev. Eccl. Rom.

**3. ℟. Ne tíneas, María, invenísti enim grátiam apud Deum, \* Ecce concípies in útero, et páries Fílium.**

**℣. Hoc a Dómino Deo exívit, ut mirá-bile fáceret consílium. \* Ecce concípies in útero, et páries Fílium.**

℟. ii., In Annuntiatione Domini, Brev. Paris.

**4. ℟. Hic erit magnus, et Fílius Altíssi-mi vocábitur, et dabit illi Dóminus Deus sedem David Patris ejus; \* Et regni ejus non erit finis.**

**℣. Ecce dies véniunt, dicit Dóminus, et suscitábo David germen justum: et regnábit Rex. \* Et regni ejus non erit finis.**

℟. ii., In Annuntiatione Domini, Brev. Paris.

**5. ℟. Ipsi soli sum sponsáta, cui Ange-li sérvíunt, cujus pulchritúdinem sol et luna mirántur. \* Ipsi soli servo fidem, ipsi me tota devotióne comméndo.**

**℣. Cognitióne incógnitam quæritans cognóscere, Virgo clamávit ad Angelum: Ex lumbis castis quómodo pos-síbile est Fílium nasci? \* Ipsi soli servo fidem, ipsi me tota devotióne commén-**



**do.**

Aña ad Mat., In Festo Annunciationis Sanctæ Mariæ Virginis, Brev. Goth. (immutata)

**6. R. Plácuít Deo cástítas et immaculáta virgínitas; \* Propter hoc in útero ejus ingrèssa est sancta píetas: de Verbo partum osténdit admirábilem genuísse Vírginem Deum et hóminem.**

**V. Spíritus Sanctus supervéniet in te, et virtus Altíssimi obumbrábit tibi: quod enim ex te nascetur Sanctum, vocábitur Fílius Dei. \* Propter hoc in útero ejus ingrèssa est sancta píetas: de Verbo partum osténdit admirábilem genuísse Vírginem Deum et hóminem.**

R. ad Mat., In Festo Annunciationis Sanctæ Mariæ Virginis, Brev. Goth. (immutata)

**7. R. Dixit María ad Angelum: Ecce ancílla Dómini, \* Fiat mihi secúndum verbum tuum.**

**V. Adorávit prona in terram, et ait: Ecce fámula tua sit in ancíllam. \* Fiat mihi secúndum verbum tuum.**

R. ix., In Annuntiatione et Incarnatione Domini, Brev. Eccl. Rotom.

**8. R. Magnum miráculum vídimus in Vírginis conceptione, ut nec virginitátem amitteret, nec genitricum póndera didicisset. \* Sola méruit Deum ferre post cœlos: sola méruit Virgo veníre post partum.**

**V. Salve, María Virgo, Dei incomprehensíbilis locus; salve, vehículum sanctum ejus, qui sedet super Chérubim; salve, nobilíssimum habitáculum ejus, qui est super Séraphim. \* Sola méruit**

**Deum ferre post cœlos: sola méruit Virgo veníre post partum.**

Añā ad Mat., In Festo Annunciationis Sanctæ Mariæ Virginis, Brev. Goth. (immutata)

**9. R̃. Exultáte in lætítia, Jacob: personáte, et cánite, quia creávit Dóminus novum super terram: \* Fémina circúmdabit Virum.**

**Ṽ. Sacraméntum abscónditum a sæculis in Deo qui ómnia creávit: \* Fémina circúmdabit Virum.**

R̃. iv., In Nativitate B. Mariæ V., Brev. Paris.

**10. R̃. Suscépit Deus Israël púerum suum, recordátus misericórdiæ suæ: \* Sicut locútus est ad patres nostros, Abraham et sémini ejus in sæcula.**

**Ṽ. In me ancílla sua adimplévit Dóminus misericórdiam suam; \* Sicut locútus est ad patres nostros, Abraham et sémini ejus in sæcula.**

R̃. viii., In Annuntiatione Domini, Brev. Paris.

**SECUNDUM MYSTERIUM GAUDIOSUM**  
**VISITATIO BEATÆ VIRGINIS Mariæ AD**  
**SANCTAM ELISABETH**



**11. R.** Exúrgens Mariá ábiit in montána \* Cum festinátione in civitátem Judá.

**V.** En Diléctus meus lóquitur mihi: Surge, própéra, amíca mea, \* Cum fest-

**inatioe in civitatem Juda.**

℞ iv., In Visitatione B. Mariæ Virginis, Brev. Paris.

**12. ℞. Ecce dilectus meus venit, saliens in montibus, transiliens colles: \* En ipse stat post parietem nostrum.**

℣. Spiritus dicit, Veni; et qui audit, dicat, Veni. \* En ipse stat post parietem nostrum.

℞ ad I Vesp., In Visitatione B. M. V., Brev. Paris.

**13. ℞. Intravit Maria in domum Zachariæ, et salutavit Elizabeth; \* Et exultavit infans in utero ejus.**

℣. Factum est verbum tuum, Domine, in gaudium et lætitiā cordis. \* Et exultavit infans in utero ejus.

℞ v., In Visitatione B. Mariæ Virginis, Brev. Paris.

**14. ℞. Ut audivit salutationem Mariæ Elizabeth, exultavit infans in utero ejus, \* Et repleta est Spiritu sancto Elizabeth.**

℣. Benedixit Dominus domui ejus, et omnibus quæ habebat: \* Et repleta est Spiritu sancto Elizabeth.

℞ vi., In Visitatione B. Mariæ Virginis, Brev. Paris.

**15. ℞. Benedicta es tu, filia, a Domino Deo excelsio præ omnibus mulieribus super terram: \* Benedictus Dominus, quia hodie nomen tuum ita magnificavit, ut non recedat laus tua de ore hominum.**

℣. Benedicta tu inter mulieres, et benedictus fructus ventris tui. \* Benedictus Dominus, quia hodie nomen tuum ita magnificavit, ut non recedat laus tua de ore hominum.

℞ viii., In Annuntiatione B. Mariæ V., Brev. Paris.

**16. R.** Exclamávit Elízabeth voce magna, et dixit: \* Et unde hoc mihi ut véniat Mater Dómini mei ad me?

**V.** Quid est homo, Dómine, quod memor es ejus? aut fílius hóminis, quóniam vísitas eum? \* Et unde hoc mihi ut véniat Mater Dómini mei ad me?

R. vii., In Visitatione B. Mariæ V., Brev. Paris.

**17. R.** Beáta quæ credidísti, \* Perficiéntur ea quæ dicta sunt tibi a Dómino.

**V.** Non est Deus, quasi homo, ut mentiátur: dixit ergo, et non fáciat? Locútus est, et non implébit? \* Perficiéntur ea quæ dicta sunt tibi a Dómino.

R. viii., In Visitatione B. Mariæ V., Brev. Paris.

**18. R.** Ait María: Magníficat ánima mea Dóminum: et exsultávit spíritus meus in Deo salutári meo: \* Quia fecit mihi magna qui potens est, et sanctum nomen ejus.

**V.** Magnificáte Dóminum mecum, et exaltémus nomen ejus in idípsum. \* Quia fecit mihi magna qui potens est, et sanctum nomen ejus.

R. vi., In Visitatione B. M. V., Brev. Congr. S. Mauri

**19. R.** Fecit Dóminus poténtiam in bráchio suo; \* Dispérsit supérbos mente cordis sui: depósuit poténtes de sede, et exaltávit húmiles, allelúja.

**V.** Sumpsit María týmpanum in manu sua, dicens: \* Dispérsit supérbos mente cordis sui: depósuit poténtes de sede, et exaltávit húmiles, allelúja.

R. iii., Officium B. M. V. in Sabbato, mense Maio, Brev. Eccl. Rotom.

**20. R.** Mansit arca Dei in domo Obéd-

**edom tribus mēnsibus; \* Et benedixit Dóminus dómui ejus, et ómnibus quæ habébat.**

**✠. Mansit Mariá cum Elízabeth quasi mēnsibus tribus; \* Et benedixit Dóminus dómui ejus, et ómnibus quæ habébat.**

℞. viii., In Visitatione beatæ Mariæ Virginis, Brev. Congr. S. Mauri

**TERTIUM MYSTERIUM GAUDIOSUM**  
**NATIVITAS SALVATORIS NOSTRI**



**21. ✠** Ascéndit Joseph a Galilæa in civitatem David, quæ vocátur Béthlehem, ut profiterétur cum María desponsáta sibi uxóre prægnánte. \* Factum est autem, cum essent ibi, impléti sunt dies ut páreret.

**℟.** Ex te, Béthlehem, egrediétur, qui sit dominátor in Israë. \* Factum est autem, cum essent ibi, impléti sunt dies ut páreret.

℟. i., In Nativitate Domini, Brev. Eccl. Rotom.

**22. ℟.** Péperit María Fílium suum primogénitum, et pannis eum invólvit, \* Et reclinávit eum in præsépíio, allelúja.

**℟.** Conquiévit et síluit omnis terra: gavísa est Virgo, et exsultávit. \* Et reclinávit eum in præsépíio, allelúja.

℟. iv., Septem Gaudiorum B. M. V., Brev. Rom.-Seraph.

**23. ℟.** Verbum caro factum est, et habitávit in nobis: \* Et vídimus glóriam ejus, glóriam quasi Unigéniti a Patre, plenum grátiae et veritátis.

**℟.** Cum nox in suo cursu médium iter habéret, omnípotens sermo tuus, Dómine, de cœlo a regálibus sédibus prosilívit: \* Et vídimus glóriam ejus, glóriam quasi Unigéniti a Patre, plenum grátiae et veritátis.

℟. ix., In Natali Domini, Brev. Paris.

**24. ℟.** Contremuérunt ómnia membra mea, dum nunciarétur mihi partus: et ingrediénte in me Spíritu Dei, reflóruit caro mea; \* Quia germinávi germen justítiae, Salvatórem mundi.

**℟.** Ecce enim ex hoc beátam me dicent omnes generatiónes; \* Quia germinávi germen justítiae, Salvatórem mundi.

℟. v., In Nativitate Domini, Brev. Amb.

**25. ℟.** Gaudéte, et laudáte simul, quia consolátus est Dóminus pópulum suum: \* Parávit bráchium sanctum suum



**in óculis ómnium géntium.**

**✠. Misit Deus Fílium suum in mundum, ut salvétur mundus per ipsum: \* Parávit bráchium sanctum suum in óculis ómnium géntium.**

✠ ii., In Natali Domini, Brev. Paris.

**26. ✠. Ego sum, ego sum quæ Dómino canam: \* Cessavérunt fortes in Israël, et quievérunt, donec súrgeret Mater in Israël.**

**✠. Ubi venit plenitúdo témporis, misit Deus Fílium suum factum ex muliere, factum sub lege; ut eos qui sub lege erant redímeret. \* Cessavérunt fortes in Israël, et quievérunt, donec súrgeret Mater in Israël.**

✠ vi., In Nativitate B. M. V., Brev. Paris.

**27. ✠. Congratulámini mihi omnes, qui dilígitis Dóminum: \* Quia cum essem párvula, plácuí Altíssimo: et de meis viscéribus génui Deum et hóminem.**

**✠. Beátam me dicent omnes generatiónes: quia ancíllam húmílem respéxit Deus. \* Quia cum essem párvula, plácuí Altíssimo: et de meis viscéribus génui Deum et hóminem.**

✠ v., In Circumcissione Domini, Brev. O. Carm.

**28. ✠. Natus est vobis hódie Salvátor, qui est Christus Dóminus, in civitáte David: et hoc vobis signum: \* Inveniétis infántem pannis involútum, et pósitum in præsépio.**

**✠. Nolíte metúere, quia Dóminus Deus vester in médio vestri est, ut éruat vos:**

**\* Inveniétis infántem pannis involútum, et pósitum in præsépio.**

℞ ii., In Natali Domini, Brev. Congr. S. Mauri

**29. ℞. Sic Deus diléxit mundum, ut Fílium suum unigénitum daret; \* Ut omnis qui credit in eum, non péreat, sed hábeat vitam ætérrnam.**

**℣. Egréssus es in salútem pópuli tui, Dómine, in salútem cum Christo tuo; \* Ut omnis qui credit in eum, non péreat, sed hábeat vitam ætérrnam.**


℞ iv. In Natali Domini, Brev. Paris.

**30. ℞. Tu Rex glóriæ, Christe, tu Patris sempitérrnus es Fílius: \* Tu ad liberándum hóminem non horruísti Vírginis úterum.**

**℣. Tibi omnes Angeli, tibi et Archángeli, tibi cœli et univérsæ Potestátes, hymnum canéntes dicunt: \* Tu ad liberándum hóminem non horruísti Vírginis úterum.**

℞ viii., In die Nativitatis Domini, Brev. Amb.

**QUARTUM MYSTERIUM GAUDIOSUM**  
**OBLATIO CHRISTI IN TEMPLO**



**31. ✠.** Locútus est Dóminus ad Móysen, dicens: \* Sanctífica mihi omne primogénitum in filiis Israél.

**✠.** Tulérunt Jesum in Jerúsalem, ut sisterent eum Dómino, sicut scriptum est in lege Dómini: \* Sanctífica mihi

**omne primogénitum in filiis Israël.**

℟. i., In Præsentatione Domini, Brev. Paris.

**32. ℞. Majestas Dómini ingressa est templum per viam portæ quæ respiciébat ad oriéntem; \* Et ecce repléta erat glória Dómini domus.**

**℣. Induxérunt púerum Jesum in templum paréntes ejus; \* Et ecce repléta erat glória Dómini domus.**

℟. iii., In Præsentatione Domini, Brev. Paris.

**33. ℞. Statim véniet ad templum suum Dominátor: \* Ipse quasi ignis conflans, purgábit filios Levi; et erunt offeréntes sacrificia in justítia: et placébit Dómino sacrificium.**

**℣. Lex constituit sacerdótes infirmitáte habéntes; sermo autem, qui post legem est, Fílium in ætérnum perféctum: \* Ipse quasi ignis conflans, purgábit filios Levi; et erunt offeréntes sacrificia in justítia: et placébit Dómino sacrificium.**

℟. ii., Dominica I Adventus, Brev. Paris.

**34. ℞. Homo erat in Jerúsalem, cui nomen Símeon: \* Et iste justus et timorátus respónsum accéperat a Spíritu sancto, non visúrum se mortem, nisi prius vidéret Christum Dómini.**

**℣. Véniet, et non tardábit; justus autem in fide sua vivet. \* Et iste justus et timorátus respónsum accéperat a Spíritu sancto, non visúrum se mortem, nisi prius vidéret Christum Dómini.**

℟. vii., In Præsentatione Domini, Brev. Paris.

**35. ℞. Cum indúcerent púerum Jesum paréntes ejus, ut fácerent secún-**

**dum consuetudinem legis pro eo, Simeon \* Accépit eum in ulnas suas.**

**℣. Desidérium cordis ejus tribuísti ei, Dómine, et voluntáte labiórum ejus non fraudásti eum. \* Accépit eum in ulnas suas.**

℞ viii., In Præsentatione Domini, Brev. Paris.

**36. ℞. Benedíxit Deum Símeon, et dixit: \* Nunc dimíttis servum tuum, Dómine, secúndum verbum tuum in pace; quia vidérunt óculi mei salutáre tuum.**

**℣. Expéctans expectávi Dóminum, et inténdit mihi; et exaudivit preces meas, et immísit in os meum cánticum novum: \* Nunc dimíttis servum tuum, Dómine, secúndum verbum tuum in pace; quia vidérunt óculi mei salutáre tuum.**

℞ ix., In Præsentatione Domini, Brev. Paris.

**37. ℞. Erat pater Jesu et mater mirántes super his quæ dicebántur de illo. \* Et benedíxit illis Símeon.**

**℣. Miráti sunt in illo, et honoravérunt Deum. \* Et benedíxit illis Símeon.**

℞ vii., Dom. infra Oct. Natalis Domini, Brev. Paris.

**38. ℞. Scriptum est: Ecce pono in Si-on lápidem offensiónis, et petram scándali; \* Et omnis qui credit in eum, non confundétur.**

**℣. Dixit Símeon ad Mariám Matrem Jesu: Ecce pósitus est hic in ruínam et in resurrectionem multórum; \* Et omnis qui credit in eum, non confundétur.**

℞ viii., In Præsentatione Domini, Brev. Congr. S. Mauri

**39. ℞. Ingrédiens mundum dicit: Hóstiam et oblatiónem noluísti, corpus au-**

**tem parásti mihi: in cápite libri scríp-  
tum est de me ut fácerem voluntátem  
tuam; \* Deus meus vólui, et legem tu-  
am in médio cordis mei.**

**℣. Descéndi de coelo, non ut fáciam  
voluntátem meam; sed voluntátem e-  
jus qui misit me. \* Deus meus vólui, et  
legem tuam in médio cordis mei.**


℞ viii., In Circumcisione Domini, Brev. Congr. S. Mauri

**40. ℞. Hóstiæ non possunt perféctum  
fácere serviéntem, solúmmodo in justí-  
tiis carnis usque ad tempus correcti-  
onis impósitis: nunc autem \* Ad destitu-  
tiónem peccáti per hóstiam suam Chri-  
stus appáruit.**

**℣. Quo mihi multitúdinem victimá-  
rum, dicit Dóminus? plenus sum; ne of-  
ferátis ultra sacrificium frustra: \* Ad  
destitutionem peccáti per hóstiam su-  
am Christus appáruit.**

℞ iv., In Præsentatione Domini, Brev. Paris.

**QUINTUM MYSTERIUM GAUDIOSUM**  
**INVENTIO PUERI JESU INTER DOCTORES**



**41. R.** Surgam, et quæram quem diligit ánima mea: \* Donec aspíret dies, vadam ad montem myrrhæ, et ad collem thuris.

**V.** Dicit mihi, Tempus prope est: Etíam vénio cito. \* Donec aspíret dies, va-

**dam ad montem myrrhæ, et ad collem thuris.**

℟ ii., In Præsentatione B. Mariæ V., Brev. Paris.

**42. ℞. Adjúro vos, filiæ Jerúsalem, si invenéritis diléctum meum, ut nuntiétis ei, quia amóre lángueo. \* Qualis est diléctus tuus, O pulchérissima mulierum?**

**℣. Diléctus meus cándidus et rubicúndus, eléctus ex míllibus. Talis est diléctus meus, ipse est amícus meus filiæ Jerúsalem. \* Qualis est diléctus tuus, O pulchérissima mulierum?**

℟ iii., Puritatis B. Mariæ Virginis, Brev. O. Carm.

**43. ℞. Quis mihi det, ut cognóscam, et invéniam illum, \* Et véniam usque ad sólium ejus.**

**℣. Invenítur ab his, qui non tentant eum, appáret autem eis, qui fidem habent in illum. \* Et véniam usque ad sólium ejus.**

℟ iii., Inventionis Pueri Jesu in templo, Suppl. pro Sanctimoni-  
alibus O. S. B. Adorationis Perpetuæ SS. Sacramenti, Brev. Mon.

**44. ℞. Requiréntes Jesum paréntes ejus: \* Post tríduum invenérunt illum in templo, sedéntem in médio doctórum, audiéntem illos et interrogántem eos, allelúja.**

**℣. Hanc enim diem, Deus omnípotens, mœróris et luctus eis vertit in gáudium. \* Post tríduum invenérunt illum in templo, sedéntem in médio Doctórum, audiéntem illos et interrogántem eos, allelúja.**

℟ vi., Septem Gaudiorum B. M. V., Brev. Rom.-Seraph.

**45. ℞. Congratulámini mihi omnes**



**qui diligitis Dóminum, quia quem quæ-  
rébam, appáruit mihi: \* Et dum flerem,  
vidi Dóminum.**

**℣. Amóris ígitur igne succénsa, ardéb-  
am desidério. \* Et dum flerem, vidi Dó-  
minum.**

℞ x., Inventionis Pueri Jesu in templo, Suppl. pro Sanctimonia-  
libus O. S. B. Adorationis Perpetuæ SS. Sacramenti, Brev. Mon.

**46. ℞. Invéni quem diligit ánima mea:  
Fascículus myrrhæ diléctus meus, in-  
ter úbera mea commorábitur: \* Ténui e-  
um, nec dimíttam.**

**℣. Ego autem exultábo, et gaudébo in  
Deo Jesu meo. \* Ténui eum, nec dimít-  
tam.**

℞ vi., S. Catharinæ de Ricciis, Brev. O. Præd.

**47. ℞. Símile est regnum cœlórum hó-  
mini negotiátóri quærénti bonas mar-  
garítas: \* Invénta autem una pretiósá  
margaríta, ábiit et véndidit ómnia quæ  
hábuít, et emit eam.**

**℣. Margaríta pretiósá est diléctio, pro  
qua si homo déderit omnem substánti-  
am domus suæ, quasi nihil despíciét e-  
am. \* Invénta autem una pretiósá mar-  
garíta, ábiit et véndidit ómnia quæ há-  
uit, et emit eam.**

℞ vi., Inventionis Pueri Jesu in templo, Suppl. pro Sanctimonia-  
libus O. S. B. Adorationis Perpetuæ SS. Sacramenti, Brev. Mon.

**48. ℞. Dixit mater Jesu ad illum: Fili,  
quid fecísti nobis sic? ecce pater tuus  
et ego doléntes quærebámus te. \* Quid  
est quod me quærebátis? nesciebátis  
quia in his, quæ Patris mei sunt, opór-  
tet me esse?**

**℣. Dixit mihi Dóminus: Servus meus**

**es tu; et ego dixi: Ergo opus meum cum Deo meo. \* Quid est quod me quærebātis? nesciebātis quia in his, quæ Patris mei sunt, opórtet me esse?**

℞ viii., Dom. infra Oct. Epiphaniæ, Brev. Paris.

**49. ℞. Descéndit Jesus cum eis, et venit Názareth: \* Et erat súbditus illis.**

**℣. Proficiébat sapiéntia, et ætáte, et grátia apud Deum et hómines. \* Et erat súbditus illis.**


℞ viii., Commemoratio sollemnis S. Joseph Sponsi B. M. V., Brev. O. Præm.

**50. ℞. Valde honorándus est et laudábilis nimis beátus Joseph, \* Quem constituit Dóminus magni consílii coadjutórem fidíssimum.**

**℣. Fidélis servus et prudens, Vírginis Matris sponsus, et Fílii Dei nutritius. \* Quem constituit Dóminus magni consílii coadjutórem fidíssimum.**


℞ ix., S. Joseph Sponsi B. M. V. Confessoris et Protectoris Ordinis Nostri, Brev. O. Carm.

## DOMINICA





**PRIMUM MYSTERIUM GLORIOSUM**  
**RESURRECTIO CHRISTI A MORTUIS**



**1. ☩ Surréxit Dóminus de sepúlcro, allelúja: \* Qui pro nobis pepéndit in ligno, allelúja.**

**☩ Læténtur cœli, et exsúltet terra ante fáciem Dómini. \* Qui pro nobis pepéndit in ligno, allelúja.**

℞ i., Feria III infra Hebd. Paschæ, Brev. O. Præd.

**2. ℞. Gaude et lætare, Virgo María, allelúja: \* Quia surréxit Dóminus vere, allelúja.**

℣. Exue te stola luctus et vexatiónis tuæ: et índue te decóre et honóre ejus, quæ a Deo tibi est, sempiternæ glóriæ.

**\* Quia surréxit Dóminus vere, allelúja.**

℞ vii., Septem Gaudiorum B. M. V., Brev. Rom.-Seraph.

**3. ℞. Cum transisset sábbatum, María Magdaléne, et María Jacóbi, et Salóme emérunt arómata, \* Ut veniéntes úngerent Jesum, allelúja, allelúja.**

℣. Et valde mane una sabbatórum, véniunt ad monuméntum, orto jam sole.

**\* Ut veniéntes úngerent Jesum, allelúja, allelúja.**

℞ ii., Dominica Resurrectionis, Brev. Rom.

**4. ℞. Angelus Dómini locútus est muliéribus, dicens: Quem quæritis? An Jesum quæritis? jam surréxit: \* Veníte, et vidéte, allelúja, allelúja.**

℣. Jesum quæritis Nazarénium crucifixum? surréxit, non est hic. **\* Veníte, et vidéte, allelúja, allelúja.**

℞ ii., In Die Sancto Paschæ, Brev. O. Præd.

**5. ℞. Tulérunt Dóminum meum: et nescio ubi posuérunt eum. Dicit ei Angelus: Noli flere María: \* Surréxit sicut dixit: præcédet vos in Galilæam: ibi eum vidébitis, allelúja, allelúja.**

℣. Dum ergo fleret, inclinávit se, et prospéxit in monuméntum: et vidit duos Angelos in albis sedéntes, qui dicunt ei. **\* Surréxit sicut dixit: præcédet vos in Galilæam: ibi eum vidébitis, allelúja,**

**allelúja.**

℞ ii., Feria III infra Hebd. Paschæ, Brev. O. Præd.

**6. ℞. Congratulâmini mihi, omnes qui diligitis Dóminum, quia quem quærébam, appáruit mihi: \* Et dum flerem ad monuméntum, vidi Dóminum, allelúja, allelúja.**

℣. Recedéntibus discípuis, non recedébam, et amóris ejus igne succénsa, ardébam desidério. \* Et dum flerem ad monuméntum, vidi Dóminum, allelúja, allelúja.

℞ ii., Feria V infra Octavam Paschæ, Brev. Rom.

**7. ℞. Surgens Jesus Dóminus noster, stans in médio discipulórum suórum, dixit: \* Pax vobis, allelúja: gavísi sunt discípuis viso Dómino, allelúja.**

℣. Una ergo sabbatórum, cum fores essent clausæ, ubi erant discípuis congregáti, venit Jesus, et stetit in médio eórum, et dixit eis: \* Pax vobis, allelúja: gavísi sunt discípuis viso Dómino, allelúja.

℞ i., Feria VI infra Octavam Paschæ, Brev. Rom.

**8. R. Surréxit Pastor bonus, qui póuit ánimam suam pro óvibus suis, \* Et pro suo grege mori dignátus est, allelúja, allelúja.**

℣. Etenim Pascha nostrum immolátus est Christus. \* Et pro suo grege mori dignátus est, allelúja, allelúja.

℞ iii., Feria IV infra Hebd. Paschæ, Brev. O. Præd.

**9. ℞. Ecce vicit leo de tribu Juda, radix David, aperíre librum, et sólvere septem signácula ejus: \* Allelúja, allelúja, allelúja.**

**℣. Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. \* Allelúja, allelúja, allelúja.**

℞ i., Feria IV infra Octavam Paschæ, Brev. Rom.

**10. ℞. Christus resurgens ex mortuis jam non moritur, mors illi ultra non dominabitur: \* Quod enim vivit, vivit Deo, allelúja, allelúja.**

**℣. Dicant nunc Judæi quomodo milites custodiéntes sepúlchrum perdidérunt Regem ad lápidis positionem. Quare non servábant Petram justitiæ? Aut sepúltum reddant, aut resurgéntem adórent, nobiscum dicéntes. \* Quod enim vivit, vivit Deo, allelúja, allelúja.**

℞ ad Vesp., In Die Sancto Paschæ, Brev. O. Præd.



**SECUNDUM MYSTERIUM GLORIOSUM**  
**ASCENSIO CHRISTI IN COELUM**



**11. ✠. Tempus est, ut revértaŕ ad e-  
um, qui me misit, dicit Dóminus: nolíte  
contristári, nec turbétur cor vestrum: \***  
**Rogo pro vobis Patrem, ut ipse vos cus-  
tódiat, allelúja, allelúja.**

**✠. Nisi ego abíero, Paráclitus non vén-**

**iet: cum assúptus fúero, mittam vobis eum. \* Rogo pro vobis Patrem, ut ipse vos custódiat, allelúja, allelúja.**

℟ iv., In Ascensione Domini, Brev. Rom.

**12. ℞ Non turbétur cor vestrum: ego vado ad Patrem; et cum assúptus fúero a vobis, mittam vobis, allelúja, \* Spíritum veritátis, et gaudébit cor vestrum, allelúja.**

**℣. Ego rogábo Patrem, et álium Paráclitum dabit vobis. \* Spíritum veritátis, et gaudébit cor vestrum, allelúja.**

℟ v., In Ascensione Domini, Brev. Rom.

**13. ℞ Pater, cum essem cum eis, ego servábam eos, quos dedísti mihi, nunc autem ad te vénio: \* Non rogo ut tollas eos de mundo, sed ut serves eos a malo, allelúja.**

**℣. Pater sancte, conserva eos in nómine tuo, quos dedísti mihi: \* Non rogo ut tollas eos de mundo, sed ut serves eos a malo, allelúja.**

℟ xii., In Ascensione Domini, Brev. Cist.

**14. ℞. Ite in orbem univérsum, et prædicáte Evangélium, allelúja. \* Qui credíderit et baptizátus fúerit, salvus erit, allelúja, allelúja, allelúja.**

**℣. Signa autem eos, qui credíderint, hæc sequéntur: In nómine meo dæmónia ejícient, linguis loquéntur novis, et serpéntes tollent. \* Qui credíderit et baptizátus fúerit, salvus erit, allelúja, allelúja, allelúja.**

℟ ix., In Ascensione Domini, Brev. O. Præm.

**15. ℞ Post passióem suam per dies quadragínta appárens eis, et loquens de**

regno Dei, allelúja: \* Et, vidéntibus illis, elevátus est, allelúja: et nubes suscepit eum ab óculis eórum, allelúja.

✠. Et convéscens, præcépít eis ab Ierosólymis ne discéderent, sed exspectárent promissionem Patris. \* Et, vidéntibus illis, elevátus est, allelúja: et nubes suscepit eum ab óculis eórum, allelúja.

✠ i., In Ascensione Domini, Brev. Rom.

**16. ✠. Ascéndens Christus in altum, captivam duxit captivitátem, \* Dedit dona homínibus, allelúja, allelúja, allelúja.**

✠. Ascéndit Deus in jubilatione, et Dóminus in voce tubæ. \* Dedit dona homínibus, allelúja, allelúja, allelúja.

✠ vi., In Ascensione Domini, Brev. Rom.

**17. ✠. Exaltáre, Dómine, allelúja, \* In virtúte tua, allelúja.**

✠. Eleváta est magnificéntia tua super cœlos Deus. \* In virtúte tua, allelúja.

✠ iii., In Ascensione Domini, Brev. Rom.

**18. ✠. Ponis nubes ascénsu tuum, Dómine: \* Qui ámbulas super pennas ventórum, allelúja.**

✠. Confessionem et decórem induísti, amíctus lumen sicut vestiméntum. \* Qui ámbulas super pennas ventórum, allelúja.

✠ viii., In Ascensione Domini, Brev. Rom.

**19. ✠. Omnis pulchritúdo Dómini exaltáta est super sídera: \* Spécies ejus in núbibus cœli, et nomen ejus in ætérnum pérmanet, allelúja.**

✠. A summo cœlo egréssio ejus, et oc-

**cursus ejus usque ad summum ejus. \*  
Spécies ejus in núbibus coeli, et nomen  
ejus in ætérnum pérmanet, allelúja.**


℟̃ ii., In Ascensione Domini, Brev. Rom.

**20. ℞. Viri Galilæi quid admirámini  
aspiciéntes in cœlum? \* Quemádmó-  
dum vidístis eum ascendéntem in cœl-  
um, ita véniet, allelúja, allelúja, allelú-  
ja.**

**℣. Cumque intueréntur in cœlum eún-  
tem illum, ecce duo viri astitérunt jux-  
ta illos in vêtibus albis, qui et dixér-  
unt. \* Quemádmódu(m) vidístis eum as-  
cendéntem in cœlum, ita véniet, alle-  
lúja, allelúja, allelúja.**

℟̃ iii., In Ascensione Domini, Brev. O. Præd.

**TERTIUM MYSTERIUM GLORIOSUM**  
**MISSIO SPIRITUS SANCTI AD BEATAM**  
**MARIAM VIRGINEM ET APOSTOLOS**



**21. ✠ In novíssimo die magno festi-**  
**tátis stabat Jesus, et clamábat, dicens:**  
**Qui credit in me, flúmina de ventre e-**  
**jus fluent aquæ vivæ: \* Hoc autem dixit**  
**de Spíritu, quem acceptúri erant cred-**

**éntes in eum, allelúja, allelúja.**

**℟. Si quis sitit, véniat et bibat: et de ventre ejus fluent aquæ vivæ. \* Hoc autem dixit de Spíritu, quem acceptúri erant credéntes in eum, allelúja, allelúja.**

℟ i., Feria IV Quatuor Temporum infra Octavam Pentecostes, Brev. O. Præm.

**22. ℟. Jam non dicam vos servos, sed amícos meos; quia ómnia cognovístis, quæ operátus sum in médio vestri, allelúja: \* Accípite Spíritum Sanctum in vobis Paráclitum: ille est, quem Pater mittet vobis, allelúja.**

**℟. Vos amíci mei estis, si fecéritis quæ ego præcípíio vobis. \* Accípite Spíritum Sanctum in vobis Paráclitum: ille est, quem Pater mittet vobis, allelúja.**

℟ i., Feria II infra Oct. Pentecostes, Brev. Rom.

**23. ℟. Cum compleréntur dies Pentecóstes, erant omnes páriter in eódem loco, allelúja: et súbito factus est sonus de cœlo, allelúja, \* Tamquam spíritus veheméntis, et replévit totam domum, allelúja, allelúja.**

**℟. Dum ergo essent in unum discípuli congregáti propter metum Judæórum, sonus repén-te de cœlo venit super eos. \* Tamquam spíritus veheméntis, et replévit totam domum, allelúja, allelúja.**

℟ i., Dominica Pentecostes, Brev. Rom.

**24. ℟. Apparuérunt Apóstolis disper-títæ linguæ tamquam ignis, allelúja: \* Seditque supra síngulos eórum Spíritus Sanctus, allelúja, allelúja.**

**℟. Et cœpérunt loqui váriis linguis,**

**prout Spíritus sanctus dabat éloqui illis. \* Sedítque supra síngulos eórum Spíritus Sanctus, allelúja, allelúja.**

℟ i., Feria III infra Oct. Pentecostes, Brev. Rom.

**25. ℟ Spíritus Sanctus procédens a throno, Apostolórum péctora invisibíliter penetrávit novo sanctificatiónis signo: \* Ut in ore eórum ómnium génera nasceréntur linguárum, allelúja.**

**℣. Advénit ignis divínus, non combúr-  
ens, sed illúminans, et tríbuit eis cha-  
rismatum dona. \* Ut in ore eórum óm-  
nium génera nasceréntur linguárum, a-  
llelúja.**

℟ ii., Feria II infra Oct. Pentecostes, Brev. Rom.

**26. ℟ Disciplínam et sapiéntiam dóc-  
uit eos Dóminus: firmávit in illis gráti-  
am Spíritus sui, \* Et intelléctu adimplé-  
vit corda eórum, allelúja, allelúja.**

**℣. Spíritus Dómini replévit orbem te-  
rrárum: et hoc quod cóntinet ómnia,  
sciéntiam habet vocis. \* Et intelléctu  
adimplévit corda eórum, allelúja, alle-  
lúja.**

℟ i., Fer. II infra Oct. Pentecostes, Brev. O. Præm.

**27. ℟ Advénit ignis divínus, non co-  
mbúrens sed illúminans, non consúm-  
ens sed lucens: et invénit corda disci-  
pulórum receptácula munda: \* Et tríbu-  
it eis charismatum dona, allelúja, alle-  
lúja.**

**℣. Invénit eos concórdes caritáte, et  
collustrávit eos inúndans grátia Deitát-  
is. \* Et tríbuit eis charismatum dona, a-  
llelúja, allelúja.**

℟ i., Feria V infra Oct. Pentecostes, Brev. Rom.

**28. R.** Facta autem hac voce, convénit multitúdo, et mente confúsa est, quóniam audiébat unusquisque lingua sua \* Illos loquéntes magnália Dei, allelúja.

**V.** Stupébant autem omnes, et mirabántur dicéntes: Nonne ecce omnes isti, qui loquúntur, Galilæi sunt? et quómo nos audívimus unusquisque linguam nostram. \* Illos loquéntes magnália Dei, allelúja.

R. iii., Feria IV Quatuor Temporum infra Oct. Pentecostes, Brev. O. Præm.

**29. R.** Isti sunt qui vivéntes in carne, plantavérunt Ecclésiám ságuine suo: \* Cálicem Dómini bibérunt, et amíci Dei facti sunt.

**V.** In omnem terram exívit sonus eórum, et in fines orbis terræ verba eórum. \* Cálicem Dómini bibérunt, et amíci Dei facti sunt.

R. vii., Commune Apostolorum et Evangelistarum extra tempore Paschali, Brev. Rom.

**30. R.** Suscitábo super gregem meum pastóres, et pascent eos: non formidábunt ultra, et non pavébunt, \* Et nullus quærétur ex número, dicit Dóminus.

**V.** Non esúrient, neque sítient, et non percútiet eos æstus et sol. \* Et nullus quærétur ex número, dicit Dóminus

R. v., Commune plurium Confessorum Pontificum, Commune Sanctorum pro aliquibus locis, Brev. Rom.



**QUARTUM MYSTERIUM GLORIOSUM**  
**ASSUMPTIO BEATÆ MARIÆ VIRGINIS**  
**IN CŒLUM**



**31. R.** Vidi speciósam sicut colúmbam, ascendéntem désuper rivos aquárum, cujus inæstimábilis odor erat nimis in vestiméntis ejus; \* Et sicut dies verni circúmdabant eam flores rosárum

et lília convállium.

**℣.** Quæ est ista quæ ascéndit per désertum sicut vírgula fumi ex aromátibus myrrhæ et thuris? **\*** Et sicut dies verni circúmdabant eam flores rosárum et lília convállium.

℞ i., In Assumptione B. M. V., Brev. Rom.

**32. ℞.** Quæ est ista, quæ progréditur quasi auróra consúrgens, **\*** Pulchra ut luna, elécta ut sol?

**℣.** Pulchritúdinem candóris ejus admirábitur óculus. **\*** Pulchra ut luna, elécta ut sol?

℞ xi., Puritatis B. M. V., Brev. Mon.

**33. ℞.** Ista est speciósa inter filias Jerúsalem, sicut vidístis eam plenam caritáte et dilectióne, **\*** In cubílibus et in hortis arómatum.

**℣.** Ista est, quæ ascéndit de déserto, deliciis áffluens. **\*** In cubílibus et in hortis arómatum.

℞ v., In Assumptione B. M. V., Brev. O. Præd.

**34. ℞.** Quæ est ista quæ procéssit sicut sol, et formósa tamquam Jerúsalem? **\*** Vidérunt eam filiæ Sion, et beátam dixerunt, et reginæ laudavérunt eam.

**℣.** Et sicut dies verni circúmdabant eam flores rosárum et lília convállium. **\*** Vidérunt eam filiæ Sion, et beátam dixerunt, et reginæ laudavérunt eam.

℞ iii., In Assumptione B. M. V., Brev. Rom.

**35. ℞.** Exaltásti sicut áquila nidum tuum, et habitátio tua in núbibus cœli. **\*** Quo progréderis, Fília Sion, pulchra ut luna, elécta ut sol? allelúja.

**℣. Revértere, revértere, Sunamítis, ut intueámur te. \* Quo progréderis, Fília Sion, pulchra ut luna, elécta ut sol? al-lelúja.**

℞ ii., B. M. V. de Monte-Serrano, Off. pr. Cathalauniæ principa-tui et diócesibus provinciæ Tarraconensis concessa, Brev. Rom.

**36. ℞ Ornátam monílibus filiam Jerú-salem Dóminus concupívit: \* Et vidén-tes eam filiæ Sion, beatíssimam prædi-cavérunt, dicéntes: Unguéntum effús-um nomen tuum.**

**℣. Astitit regína a dextris tuis in ves-títu deauráto, circúmdata varietáte. \* Et vidéntes eam filiæ Sion, beatíssim-am prædicavérunt, dicéntes: Unguént-um effúsum nomen tuum.**

℞ iv., In Assumptione B. M. V., Brev. Rom.

**37. ℞ Hódie María Virgo cœlos ascén-dit: \* Gaudéte, quia cum Christo regnat in ætérnum.**

**℣. Regína mundi hódie de sœculo ne-quam erípitur. \* Gaudéte, quia cum Christo regnat in ætérnum.**

℞ vii., In Assumptione B. M. V., Brev. O. Præd.

**38. ℞ Beáta es Virgo María Dei Génit-rix, quæ credidísti Dómino: perfécta sunt in te quæ dicta sunt tibi: ecce ex-altáta es super choros Angelórum. \* In-tercède pro nobis ad Dóminum Jesum Christum.**

**℣. Benedícta et venerábilis es Virgo María, quæ sine tactu pudóris invénta es Mater Salvatóris. \* Intercède pro no-bis ad Dóminum Jesum Christum.**

℞ vi., In Assumptione B. M. V., Brev. O. Præd.

**39. ℞ Exaltáta est sancta Dei Génit-**

**rix, allelúja, \* Super choros Angelórum ad cœléstia regna, allelúja.**

**℣. Dabis eam, Dómine, in benedictiōnem in sœculum sœculi: lætificábis eam in gáudio cum vultu tuo. \* Super choros Angelórum ad cœléstia regna, allelúja.**

℞. viii., Septem Gaudiorum B. M. V., Brev. Rom.-Seraph.

**40. ℞. Super salútem et omnem pulchritúdinem dilécta es a Dómino, et Regina cœlórum vocári digna es: \* Gaudent chori Angelórum consórtes et concíves tui.**

**℣. Valde eam nos opórtet venerári quæ tam sancta et immaculáta est Virgo. \* Gaudent chori Angelórum consórtes et concíves tui.**

℞. iii., Sabbato ad Matutinum, Brev. O. SS. Salv.

**QUINTUM MYSTERIUM GLORIOSUM**  
**CORONATIO BEATÆ MARIÆ VIRGINIS**  
**IN CŒLO**



**41. R. O ineffabíliter dívitem in páu-  
pere óppido puéllulam: \* Quæ missum  
sibi supérni Regis Fílium suscepit in a-  
ulam jucunditátis, desiderátis pavit de-  
líciis, et armis poténtiæ circumcínxit.**

**℟.** Hic ad pátriam triumphátor rédiens, in perénni laude ipsam Reginam constituit, \* Quæ missum sibi supérni Regis Fílium suscepit in aulam jucunditátis, desiderátis pavit delíciis, et armis poténtiæ circumcínxit.

℟. iii., Feria III ad Matutinum, Brev. O. SS. Salv.

**42. ℟.** Adamávit eam Dóminus super omnes mulieres, \* Et pósuit diadéma regni in cápite ejus, allelúja.

**℟.** Accépit regnum decóris et diadéma de manu Dómini. \* Et pósuit diadéma regni in cápite ejus, allelúja.

℟. i., B. M. V. Reginæ SS. Omnium et Matris pulchræ Dilectionis, Proprium Sanctorum Hispanorum, Brev. Rom.

**43. ℟.** Coróna áurea super caput ejus, \* Expréssa signo sanctitátis, glória honóris, et opus fortitúdinis, allelúja.

**℟.** Quóniam prævenísti eam in benedictionibus dulcédinis, posuísti in cápite ejus corónam de lápide pretióso. \* Expréssa signo sanctitátis, glória honóris, et opus fortitúdinis, allelúja

℟. iii., In Anniversario Coronationis Imaginis B. M. V. de Misericordia, Officia propria pro Ecclesiis Savonensi et Naulensi, Brev. Rom.

**44. ℟.** Accépit regnum decóris, et diadéma speciéi de manu Dómini: \* Quóniam délixtera sua reget nos, et bráchio sancto suo próteget nos, allelúja.

**℟.** Tamquam si cui mater blandiátur, ita et ego consolábor vos. \* Quóniam délixtera sua reget nos, et bráchio sancto suo próteget nos, allelúja.

℟. vii., B. M. V. Reginæ SS. Omnium et Matris pulchræ Dilectionis, Proprium Sanctorum Hispanorum, Brev. Rom.

**45. ℟.** Ecce Dóminus meus ómnia mi-

**hi trádedit, \* Nec quidquam est quod non in mea sit potestáte, vel non tradíderit mihi.**

**℟. Fecit mihi magna, qui potens est, et sanctum nomen ejus. \* Nec quidquam est quod non in mea sit potestáte, vel non tradíderit mihi.**

℟ iv., B. M. V. Omnium Gratiarum Mediatricis, Off. Pr. Congregationis Sacerdotum a S. Corde Jesu, Brev. Rom.

**46. ℟. Numquid, gloriósa cœli Regína, nostræ humilitátis oblíta es? Absit: \* Non convénit tantæ misericórdiæ tantas misérias oblivísci.**

**℟. Stas in conspéctu Fílii, pro peccatóribus exoráre non cessans. \* Non convénit tantæ misericórdiæ tantas misérias oblivísci.**

℟ iv., Immaculati Cordis B. M. V. Refugium Peccatorum, Suppl. pro Congr. S. Spiritus sub invocatione Immaculati Cordis B. M. V., Brev. Rom.

**47. ℟. De míseris valde sollicita es, hos in adoptiónis filios assumpsísti, hos régere Dómina voluísti, et ideo \* Regína mise-ricórdiæ vocáris.**

**℟. Qui sunt misericórdiæ súbditi, nisi míseri? Nos ergo tecum míseri consolámur, te mentis viscéribus ampléctimur. \* Regína misericórdiæ vocáris.**

℟ ii., Immaculati Cordis B. M. V. Refugium Peccatorum, Suppl. pro Congr. S. Spiritus sub invocatione Immaculati Cordis B. M. V., Brev. Rom.

**48. ℟. Adeámus cum fidúcia ad thronum grátiae, \* Ut misericórdiam consequámur et grátiam inveniámus in auxílio oportúno.**

**℟. Ad te, Virgo, suspirámus, geméntes et flentes in hac lacrimárum valle. \* Ut**

**misericórdiam consequámur et grátiam inveniámus in auxilió opportúno.**

℟̃ viii., B. M. V. Omnium Gratiarum Mediatricis, Off. Pr. Congregationis Sacerdotum a S. Corde Jesu, Brev. Rom.

**49. ℟̃ Dei Génitrix María velut alter sol, super bonos, et malos indifferéter órítur, ipsa præterita non díscutit mérita: \* Sed ómnibus sese exorábilem, ómnibus clementíssimam præbet.**

**℣̃. Omnium dénique necessitátes amplíssimo quodam miserátur afféctu. \* Sed ómnibus sese exorábilem, ómnibus clementíssimam præbet.**

℟̃ vi., Patrocinii B. M. V., Off. pr. Sanctorum archidiócesis Guatemalensis, Brev. Rom.

**50. ℟̃. Omnibus misericórdiæ sinum áperit, ut de plenitúdine ejus accípiant univérsi: \* Captívus redemptiónem, æger curatióem, tristis consolatióem, peccátor véniam, justus grátiam, Angelus lætítiam.**

**℣̃. Deníque tota Trínitas glóriam, Fílii persóna carnis humánæ substántiam, ut non sit qui se abscondat a calóre ejus. \* Captívus redemptiónem, æger curatióem, tristis consolatióem, peccátor véniam, justus grátiam, Angelus lætítiam.**

℟̃ viii., B. M. V. sub titulo Salus Infirmorum, Officia propria pro Clericis Regularibus Infirmorum Ministris, Brev. Rom.



## ORATIO POST ROSARIUM

**HUNC** igitur, o sancta Dei Génatrix, ora pro ómnibus, et pro nobis, qui hoc psalterium tibi pie deprómpsimus, sperántes per te a Fílio tuo mercédem spirituálem et præsentem prosperitátem simul et vitam ætérnam, quæ honorásti semper honorántes te et óptime nosti in témpore opportúno resalutáre te modo salutántes in diébus sálutis et grátiae. Sed etiam nunc te salúto hac aurea tua salutatióne, quam dídici a devóto Carthusiénsi:

**Ave María, grátia plena,**  
*quia Verbum in te caro factum est,*

**Dóminus tecum,**  
*et habitávit in nobis,*

**benedícta tu in muliéribus,**  
*ex te vídimus glóriam ejus,*

**et benedíctus fructus ventris tui,**  
*glóriam quasi Unigéniti a Patre:*

**Jesus Christus,**  
*plenum grátiae et veritátis. Amen.*





*In conclusione Coronæ Rosarii Beatæ Mariæ Virginis, MYSTERIA GAUDIOSA contemplando, dicitur:*

**℣. Benedicámus Angélicæ potestátis Dómino, quem Virgo pura concépit, Gabriéle núntio.**

**℟. Deo dicámus grátias.**

*In conclusione Coronæ Rosarii Beatæ Mariæ Virginis, MYSTERIA DOLOROSA contemplando, dicitur:*

**℣. Benedicámus innocéti Vírginis Fílio, pro reis morti trádito, perénniter vivénti Dómino.**

**℟. Deo dicámus, revincénti nos a fauce tártari, ad aulam cœli reducénti, infinítas grátias.**

*In conclusione Coronæ Rosarii Beatæ Mariæ Virginis, MYSTERIA GLORIOSA contemplando, dicitur:*

**℣. Benedicámus Dómino suam Matrem collocánti in cœli palátio, ubi summo sine fine perfrúitur gáudio: hæc est enim Virgo digna tali privilégio.**

**℟. Deo dicámus grátias.**

*In conclusione Coronæ Rosarii Beatæ Mariæ Virginis, MYSTERIA LUCIS contemplando, dicitur:*

**℣. Benedicámus Vírginis Fílio cum Patre et Flámine sacro, vero Deo et Dómino.**

**℟. Deo dicámus grátias.**

